

地260.141  
139  
部三16

泗陽州志

陳傳	墓表	墓誌銘	藝文志	第十六本
方外	傳	神道碑	書考	
瑣錄	雜類志		文	





泗陽州志卷之

藝文志

前代地志家往往采輯詩文為藝文志識者譏其

者分載各條之下其藝文志則仿史法並列四部但紀書

目至條舉卷數註明存佚摘錄序跋標揭書旨又晁公武

讀書記陳振孫直齋書錄解題義也近志多承用之愚謂

藝文志紀書目而除詩文允己若乃史家四部皆錄秘閣

藏書凡藏書為誦讀計分別部居易於檢尋其意以書為

主地志非藏書可比以存邑人之著述當以著書之人為

主凡一人數種者似可類在一處用編年體以科分或生

率先後為次依次順叙不必強襲史貌且藏書者必見其

書志則有名存而書亡者若書名可甲可乙既不悉其書

所作何語安能定其名當入何部又不如編年之為便也

然史無此法志亦鮮此例自我作古恐駭聽聞今姑因初

稿所分取其書名易曉而部居未當者悉準四庫書目

例移置之其曾經寓目者於舊存序跋外間附已語述其

大要及已刊未刊或稿存某處以為他日搜求之地其書

不可見而書名混同不能定其部居者則仍初稿而已既

遵常法復呈鄙見如前或後之人有取焉又近志有先紀

書目仍附詩文徵於末以為調停者可謂信道不篤矣今

不敢沿會稽章氏曾有詩文徵掌故錄之議乃皆與志別

行非即雜於其中也

泗陽州志

卷十一 藝文

一

經部 易類 義經微言 明李逢 宙廬易讀 國朝李 易經釋義

成書撰 國朝胡 周易象爻 醒讀易解 俱 國朝劉夔撰夔子光泰

經部 易類 義經微言

明李逢 宙廬易讀

何焯撰 易經釋義

成書撰

國朝胡 周易象爻 醒讀易解

俱 國朝劉夔撰夔子光泰

廣大悉備費隱俱包究其理天德王道之精一以貫之極其

數始終順逆之微賅而存焉先君子精研六經於易解尤為

深通壯齡時曾授徒以象爻醒讀矣迄晚歲得先儒講解玩

味之撮厥要旨其於卦爻中正或偏剛偏柔不中不正者為

之簡括前史徵引成蹟凡往古聖君哲相之中正純粹發為

盛德大業以及善惡忠奸之吉凶成敗者有若數計而龜卜

令讀者得其歸趣爽於心目則易理之廣大精微庶可少窺

周易詳注

鴻鍾撰

周易口議四卷

讀易劄記十卷

易



說纂要十卷俱國朝張泰來撰按泰易經粹義國朝胡

讀易偶記國朝劉周易類聚詩才撰國朝劉龍潭易匯國朝

撰易話遙峰撰國朝龔周易圖說二卷國朝蕭讀易私說朝李

撰凡十五部

書類讀書劄記十四卷俱國朝書記纂要十二卷張泰來撰禹貢

山水考殿邦撰國朝全凡三部

詩類詩經演義文臣撰國朝黃詩解國朝向詩經講義劉曙撰

詩經纂要十二卷泰來撰國朝張詩經蒙訓國朝劉凡五部

禮類周禮之屬周官說纂要十六卷考工記纂要二卷俱

國朝張泰來撰周禮注疏確解與楫撰國朝劉周禮案注國朝鄧儀禮

河陽州志卷十一藝文

之屬儀禮箋注謝彪撰國朝儀禮說纂要十二卷泰來撰禮記

之屬禮記存疑二卷未刊藏於家國朝劉禮記說纂要二十卷國

錄張泰來撰按鄉會試題禮記在春秋後以其為漢儒所集

春秋前今遵之通禮之屬四禮通義敘宗撰國朝蕭凡九部

春秋類春秋合旨紀事撰國朝史春秋蒙求二十四卷國朝春

秋講義劉曙撰國朝春秋人物論成書撰國朝胡春秋或辨平一卷國

朝史銘桂撰李馨香王贈春秋約注國朝春秋撮要朝威

從龍撰春秋纂要二十卷泰來撰國朝張春秋三傳集約國朝

春秋五傳提要與楫撰國朝劉凡十部

五經總義類七經要義善紅撰國朝楊七經經義摘要國朝宋



禮記春秋經解國朝陳興鳳撰五經補解國朝康瑜撰經義粹精國朝

朝王樹羣經醉義國朝劉國香撰經學提綱國朝鑄經錄十六卷俱

國朝劉柏才撰五經精義集纂二卷國朝楊斌撰石經彙考國朝

未刊藏於家德煥撰自序云生平無他嗜好博蒲棋局一無能焉惟性善抄則至少至老未嘗一日去也猶憶先君子在時每有著述輒命不肖屬草積尺盈文稿屢易不為倦也自先君捐館舍侍筆之歡不可復得而不肖亦就衰矣今年春淫霖不止比戶愁嘆兀坐無聊偶檢敝篋得先叔祖齋安府君石經石鼓二策觸類引伸略為搜集其得若干條顏曰彙考雖藉以永日而編蒲集柳亦復樂此不疲惟是讀書無成不能著書立說於先人遺文墜簡又不能補苴卒業徒沾沾於古人之陳言日事抄撮良可慨也夫凡十部

四書類四書宗正錄明錢天錫撰四書演義國朝黃文臣撰論孟集注國朝

附考二卷國朝劉揆撰自序云論語孟子集注與大學中庸庸章句微言大義深契孔孟之心所以嘉惠後學

泗陽州志卷十一藝文三

者至矣至於度數名物之間朱子概仍舊注而未嘗一注其訛以為義理所不急也新春淫雨杜門幽居爰撫拾羣籍以鄙意審辨之得數十有餘條而相沿之疑稍稍四書曉義辨晰或亦治經者所不廢也已刊板存於家四書本義

四書難題答問俱秦士顯撰四書啟蒙國朝劉銓撰四書合纂國朝汪謙撰四撮要張錫穀有序四書啟蒙國朝劉銓撰四書合纂國朝汪謙撰四書通士然撰大學故中庸微史銘桂撰大學知意錄二卷國朝蕭士然撰

中庸知意錄四卷論語要解俱張泰來撰四書通論國朝

論孟集注附考續編國朝柏才撰四書集注質疑國朝

已刊板佚國朝黃富春撰凡十八部

樂類律呂合編國朝王春巖撰凡一部

小學類字書之屬字典通箋國朝秦士顯撰韻書之屬僻韻考略

小學類字書之屬字典通箋國朝秦士顯撰韻書之屬僻韻考略

小學類字書之屬字典通箋國朝秦士顯撰韻書之屬僻韻考略

小學類字書之屬字典通箋國朝秦士顯撰韻書之屬僻韻考略

小學類字書之屬字典通箋國朝秦士顯撰韻書之屬僻韻考略

小學類字書之屬字典通箋國朝秦士顯撰韻書之屬僻韻考略



全韻異同辨俱國朝劉之炳撰韻學胥知國朝景希寬撰張錫

凡四部

右經部七十五部

史部編年類編年經緯表十卷國朝黃富春撰 凡一部

雜史類平漢錄一卷明童承敘撰 四庫全書存目提要云

首載宋濂平江漢頌一首次即載史臣贊一首而以友諒事

滅本末附於其後謂之外傳按童志外傳即此惟無史臣

贊而頌在傳後頌後童自撰論末綴以贊少有不合蓋全志

體例如此此不得獨異耳然錄若作於前不當取名為錄又

名為外傳或志成後以辨賊紀略明黃日芳撰 凡二部

傳記類總錄之屬表微聞見錄國朝閔甲乙殉義錄 國朝

國香撰已刊板藏於家是書述咸豐四年五年州北死粵匪

之亂者所錄不多蓋紀其見聞之真確者慎之至也其錄者

泗陽州志卷十一藝文 四

每人錄其死樵陽節烈表異錄國朝張井蛙錄 國朝熊

狀後綴以贊樵陽節烈表異錄葆森撰 井蛙錄漢章撰自

序云吾曹讀書數十年不能以文章報國則當投筆請纓奮

身以匡君父之難幸而逆首就擒天下大定然後退處山林

優游歲月間取軍府之所策畫耳目之所聞見筆之於書上

以導揚本朝武功之盛下以慰忠魂烈魄使之瞑目於地

下不其偉歟若夫談虎而慄遇虺而懼縮首蓬茅銷聲匿迹

生無益於時死無聞於後則草間乞活而已烏足道哉烏足

道哉僕生四十有四年矣志行無以異於人才能不足見於

世平居不出里門未獲一接當世賢豪稔所樹立與之上下

其議論甲寅之難以貧故不為賊所指名幸不為所辱嗣以

謂草間乞活非耶惟是軍興以來智略之士勞心於內捐軀

赴敵者効節於外聞其風未嘗不為之嗚咽流涕自念溝壑

中人進不能殺賊退復無以自保乃得安生樂業室家無恙

何以致此其功與德宜何如感且報之因為據所傳述敘列

一二俾其姓名行實不致久而埋沒亦竊以寄吾嚮往之私

焉至於網羅幽隱搜采巖穴舉天下忠臣烈士一一表彰之

靡所遺憾則事平後有國史存豈俟僕之區區者為錄

哉莊子曰井蛙不可語於海拘於墟也僕於此書亦云矣錄



之屬亂後紀異

國朝陳興鳳撰

凡五部

史鈔類史略

明孟世卿撰

讀史新編

明胡維宗撰

史別

史括

俱明黃日芳撰

世史正統

國朝高元美撰

讀史志異

國朝劉相才撰

讀史課兒錄

國朝謝朝謝

藻義 讀史隨筆

國朝張葆森撰

讀史摘要二卷

國朝周寅斗撰

通鑑摘

要 國朝王樹棻撰

史鑑摘要

國朝王遵道撰

綱目提要四卷

國朝劉炳章撰沈

秉成 凡十二部

地理類郡縣之屬嘉靖沔陽州志十八卷

明童承敘撰

淮安

府志十六卷

萬曆癸未沔陽州志

俱明陳文燭撰

萬曆

戊午沔陽州志

明費尙伊撰

崇禎沔陽州志二十二卷

明王極等

撰序均載首卷

康熙沔陽州志二十卷

國朝馬學衣胡維宗及張金龍等撰先是康熙乙巳知

沔陽州志

卷十

藝文

五

州終成年屬學正王爾楫兼修未及成書其時學衣維宗已  
與其事越癸丑知州王浩沖始謀成秉筆者學衣張金龍也  
刊甫半而罷役及壬戌知州楊士元屬張之溢續纂甲寅以  
後合前已刊之半卒成之板已佚抄本亦鮮庠生魯之曾言  
其家有殘帙尚未見也 終成年序讀沔郡舊志知昔多賢  
刺史未嘗不掩卷三嘆也余涖沔入載公餘閒乘一葉舟歷  
大白郎官及白螺諸村野地大不理閭舍星落而丁賦歲有  
增且夙夜未浚明也都人士歲未興育也民有田疇河伯虐  
之民有食貨歲兵凶之兼以鼓篋初聞郊壘甫靖卽有忠孝  
節義奇人異帙未暇泣鬼神榮蒲輪訪之拜之石室藏之也  
此而無可志又烏乎志雖然五難三長未易殫心焚膏宿火  
誰與勵志矧奉上檄修必辨而不華如司馬詳而有體如孟  
堅洵非俗吏所能辦因屬學博王小築以志志成示余記提  
封志湖村也記丁賦志增額也記官秩志浚明也記制科志  
興育也記河防志水災也記食貨志兵凶也記儒學志鼓篋  
也記兵戎志郊靖也記列傳藝文志忠孝節義奇人異帙也  
萬曆二十年以來因舊志而鋪往事者倣金履祥之存前編  
也 興朝元年以後集小善而不遺幽芳者倣道源之有外  
紀也 斷其義綜其始終復不騁其辭說者法張倉之愿譜五  
德董仲舒之推春秋義也若如荀卿公孫固之徒撫拾春秋



文以盜美非所願也王君鮮焉是為序康廌乙巳仲秋 王爾楫王浩冲楊士元楊引祚張之盜五序均載首卷

乾隆沔陽州志三十卷 國朝方宏履撰 潛江縣志 國朝向大觀撰

天門縣志 國朝張錫穀撰 邵武府志 國朝張葆森撰 河渠之屬疏河

鉅障圖說 國朝戚光緒撰劉柏才序云水之為患大矣故

水以水刷沙之議大率不外修隄防通水道兩端然川壅而

潰則隄防亦不足恃故疏濬尤為治水之急務禹之行水也

舜典曰濬川益稷謨曰濬畎澮意其時工有垂暨及斯伯與

材有括柏箇輅璆鐵諸物必創為疏濬之具載以輜櫟舟車

周行以成疏濬之功惜乎書缺有間也後世溝洫河渠志所

載大抵多空言而寡實效蓋未嘗悉其形勢竭其心思制為

成器而明試以功故自漢以來言水利者代不乏人而器具

之垂為成法者不概見焉楚為澤國沔居江漢之下游嘉慶

乙亥丙子間漢水驟漲江水逆行邑東麻漢河游上下凡百

餘里各院到閉估舟不通鄉市均受其害沙鎮戚公曉村與

同志倡議捐資疏河眾皆踴躍從事而苦於無方東瀛先生

曉村公之四子也天才亮特乃獨出心裁造鐵木二鉅及輓

沔陽州志 卷十一 藝文 六

車竹障凡四物左右兩巨舟中置輓車以懸鉅而升降之前

沈竹障如植籬兩岸役夫牽纜而行以水鼓障而鉅隨之以

逐泥往復滌蕩滯碍去而河道通民賴其利者數十年今先

生謝世久矣令嗣星橋昆仲思存其遺法以垂永久遂繪鉅

障諸器為圖揭其施用之方為說以附其後展卷瞭然如指

諸掌將付梓而質諸余余按李公義嘗獻鐵龍爪楊泥車二

策以濬河後復改造濬川鉅而當時已有議者雖經試用而

江漢水道考 玉璽撰 何沔陽水道考 國

卒無成功可紀殆立法有未善歟今觀先生所布置其用心

也密其為計也周洵乎前無與比後可為法者乎且其法之

良遐邇咸知曩者本州之接陽河漢陽之黃陵磯琴塘口江

夏之鮎魚口皆嘗用之開壅積而利舟楫皆歷歷可徵蓋與

託空言而鮮實效者異矣嗟乎天地以生物為心而剝復相

尋如大冬嚴雪造物亦不得不然所賴經世利物之君子繼

持補救於其間故曰人者天地之心而自俗之薄也素封之

豈待著蔡而決哉余既奉揚先生之仁風尤嘉星橋昆仲之

能成厥志以廣其惠

也乃欣然而為之敘



朝張葆 荆楚疏修指要 國朝胡祖翮撰自序云平天下之

財必以治江漢為要務江漢治隄防固而物產多民生遂而

國賦盈上之教澤有所施下之風俗日益厚如其不治水壅

則隄潰隄潰則民災民災則賦懸甚至議賑借項空糜國

帑而卒無補於民生治楚者心懷懷乎江漢之為要務也欲

探本源靡不持論於疏濬謹守成憲亦皆營情於修防夫修

疏豈可苟焉己哉要必明乎作隄之利弊使夫不枉費費不

枉夫酌立一定之章程審夫治水之支派來有所受去有所

歸籌畫萬全之良策乃得治江治漢之要道而令荆楚享安

瀾之慶不然雖日有事於江漢何裨乎慨自道光辛卯以來

水患頻仍院無完隄民力愈困人情益詭分修則富戶陰却

險要貧戶受田頂充合修則小戶借貧抗費大戶恃勢隱田

更有橫行之田認修藏頭者取巧直號之田認修截尾者取

巧換段換形坐落無定寸長尺短灑派不均弊端難以悉舉

兼以白水湖稞淤成高阜仍享無隄之樂上中下沈於波底

終認派修之勞故事不平而力不均歲修則因循不力挽修

則草率了事即有督修之員人地生疏或事宜未嫻或稽察

不密聽書役之侵蝕任奸民之包攬使費又十不值五其旋

築旋潰雖日天命豈非人事哉或曰修隄防每年有加無

已愈高則愈不堅何若疏濬以殺水勢卒之疏非所疏欲殺

其勢而勢終不可殺無他支穴未開不能分而使之小湖瀆

河陽州志 卷十一 藝文 七

未滙不能貯而使之舒縱有疏濬之勞究未當乎疏濬之要

也烏乎可余自八九年來洞悉情弊而形格勢禁或欲為而

不得或為之而卒不獲底於成每念及此未嘗不為之撫几

而三嘆也竊謂例載土方建官職分水利其鄭重隄工與水

道者原以澤國賦命之所繫耳誠能周知我楚之利害籌酌

修疏之要圖何難使江恬漢靜年慶屢豐 國賦不虧民生

咸遂哉昔明陳應芳撰敬止集以泰州人言泰州水故所論

確有可據也而 本朝靳文襄治河奏績一書論者謂皆親所

閱歷之言祖翻不敏謬為當事所推重屢襄工役謹據管見

先譏修防事宜次集水道參考合為一編統名荆楚指要嗟

乎法不經親試事未有成效何敢筆之於書即有志未逮者

苟非合地形水勢熟視審處博觀約取又何敢妄抒已見無

平不陂無往不復自然之理也江漢之為害已極矣窮極斯

通物極必反當此之時諒必有得為而又敢為者出乎其間

斟酌而見諸施行以裨益 國計民生於無盡是即遂余未

遂之志也夫 熊士鵬序云牧民者欲濟民艱莫急於防水

患防水患莫急於修隄隄河地舊以富饒稱居江漢之間河

渠多而物產萃淵藪者日益廣濱湖為隄環隄為院而相耕



種於其中是亦楚之樂土也漢隄自荆門緣麻山至潛江延  
亘百三十里名高氏隄江隄自監利東接漢陽長百數十  
名長官堤自五代時已然沔皆賴焉既而明弘治正德間隄  
防漸潰水勢大漲漢水常決潛江班家隄江水常決監利車  
木堤旋修旋潰以隄防未能高堅故也漢水決於拖船埠而  
沔西北為巨浸江水自西流窩抵玉沙而沔決口百餘處自  
勝國至本朝相沿已久歲苦水患竊謂修築未定章程故  
也胡君伯欽有雋才善經畫大計日擊沔地墊溺揣形度勢  
殫精竭慮而成修防事宜一帙至纖至悉有條有紀亦可謂  
言無不盡而行無不善也自俗儒拘守章句習趨卑陋往往  
作無益之文而廢有益之務似可以不為為之或極其佳又  
似可以存存之而必欲其傳傳之而必欲其久之或極其行  
之者賈讓三策尙矣班固溝洫志抑可考焉至若沔之童庶  
子河防志及靳文襄治河方略又皆有關係乎利害者舍此  
之外其果能如是馬否乎而以予觀胡伯欽之修防事宜規  
畫周詳殆可傳之而必久者歟抑予更有說焉修厥隄而欲  
為經久之謀者尤莫急於濬淤河而開穴口自古水道有蓄  
有洩洩則支派分而水不壅蓄則湖豬匯而水不溢千數百  
年漢水淤而支河塞江水湮而穴口平曷可勝數雖有神禹不  
能循古蹟而復故道在江惟有虎渡可注澧江而入洞庭有

沔陽州志卷十一藝文

郝穴可出漢口而合大江此幸存而不可築塞者在漢惟  
安陸之直河可注龍鷲湖潛江之澤口可注長湖此殺漢水  
之正流而已不通者也由張池口出漢川由竹筒河出劉家  
場此殺漢水之支流雖不幸皆就淤塞而尙可疏導也修築  
與疏導並舉又得良有司以實心行實政勿浮報以罔上勿  
糜費以侵下且取胡伯欽修防事宜而圓融變通以行之雖  
四海安瀾可也夫豈但沔無墊溺之患哉劉柏才序云水  
之為患大矣哉邱壘山補大學衍義以除民害為治平之要  
而專主治河良有以也從來治水之道有二曰疏曰障禹貢  
於南北條皆言導治汎濫之水則然至水由地中行則盡力  
乎溝洫而其外為川川上有路即今之隄也故月令季春修  
隄防壅塞之文不已疏乎宇內巨川楚得其二江自夷陵而  
下漢自樊襄而下並無大山連延資隄防為保障者幾二千  
里夏秋泛漲率多潰決之虞辛壬癸甲以來水患頻仍往往  
數百里化為巨浸此胡君伯欽所以有修隄事宜之作也君  
以亮特之才連不得志於棘闈遂棄毛錐如敝屣其經世利  
物之心理煩治劇之能於是書僅見一斑然其所見者大所  
慮者遠務籌畫之必周故語不嫌其瑣欲知愚之共曉故言



不必其文得其法而善用之隄防鞏固年穀豐熟為利溥矣  
顧亭林謂文字之無益於人者不可作是書為國賦民生計  
其益不更有大焉者哉尋以修防必先疏浚復輯水道參考  
與前書相表裏即古疏障鉅舉之意而於楚省形勢指畫最  
為明確蓋以我楚古有巨澤重湖自荆襄以達鄂黃星羅碁  
布足為江漢游波之地故前史所載衝決之害希見焉自宋  
政和以後江湖圍田盛於東南而荆襄屯兵又益廣圩田於  
是昔之澤湖所餘無幾上流壅而下流易淤江則穴口盡湮  
漢則支河半廢帖勢者復違眾而塞所不當塞迄於今水高  
於平田隄且於城郭衝決之患無歲無之倘不疏浚以分殺  
其勢隄防雖堅其可恃乎是編分別支派指陳利弊率然如  
示諸掌誠修防之先務尤今日之所宜亟講者也或謂疏浚  
非一鄉一邑之事而發大難興大役惟大力者為之否則徒  
託空言耳雖然凡害之既極必有除其害者出焉誠能如環  
山之所云不惜棄地不惜動民毅然而必行不惑浮議亦何  
事不可為者昔宋單錡職水利三十年據所目觀著吳中水利  
一卷蘇子瞻嘗為奏進其後夏少保原吉周中丞忱皆師其  
法以成功是書出安知無東坡其人者為之表章乎又安知  
同時無夏周二公其人者見諸施行于老矣無能為也披二  
書而壯志如有萌焉尚思拭目而觀安瀾之慶也矣  
武昌

沔陽州志 卷十一 藝文 九

局 山水之屬黃蓬志略 明陳文燭撰自序云余為諸生明劉

應處士曰吾子抱向禽之願久矣豈少茲山不足以當雄筆  
耶異時吾子壯遊徧天下願勿忘境內先通奉公每言攜余  
遊黃蓬詢任先生家世而入世以來州有九游其五如太和  
東岱中嵩峨岷武夷匡廬金焦北固之勝一一遊日比宅先  
公憂始登黃蓬高不過四五丈餘則地脈墳起視諸名山  
太倉楛米耳乃余戀戀焉豈惟桑梓必恭敬止者耶因憶  
先公待余遊而不果也為紀一篇客請余志且曰陶宏景之  
華陽志范成大之石湖志儻二公自志不尤快歟行遠者自  
邇登高者自卑其志五岳之前茅也乎余聞客言權甚作黃蓬志略  
元美撰

雜記之屬黔憶前後編 國朝張錫穀撰 凡十七部

政書類邦計之屬茶馬類考 明胡彥撰 四庫全書存目提

考典故及時事利弊作為此書明制茶馬御 荒政錄四卷

史兼理甯夏鹽務故第三卷並記鹽政云 荒政錄四卷

捕蝗一卷 俱 國朝劉揆撰荒政錄自序云耕於漢南有田  
一區十日之家衣食取給焉歲比不登室如懸磬



今年典衣買犢徧植嘉禾而霖雨連月江漢沸騰匪惟田園  
有沒抑且水及半扉深秋潦縮生理蕭然乞米之帖屢書裏  
飯之友頻至旬月以來饋粥略具哀比鄰之多艱思拯援而  
無策爰活舊聞訂為斯編所恨閱書寡少援引挂漏然源流  
本末大略可觀世有經世利物之君  
子尚留意焉 已刊板存於其家 通制之屬災賑隄圩團

練保境安民儲用卮言各一卷 國朝蕭 凡四部

史評類史評 明孟世 綱目附考二卷 國朝劉揆撰 通鑑批

參 國朝 周鎬撰 凡三部

右史部四十四部 章志雜記載有復州圖經三卷不知  
何人撰故未入地理類郡縣之屬附

識於此

于部儒家類四子衷言 明胡述 座右醒心錄 明邱騰撰 百念齋家

課 國朝黃 近思錄案注 國朝秦 述善類編 國朝費敦

泗陽州志 卷十一 藝文 十

善錄 國朝王 養心編一卷 悟性錄二卷 俱 國朝家訓

家政簡明要略 國朝蕭 勸學瑣言十則 國朝劉夔撰 希賢錄

四好格言 俱 國朝張葉撰 思詒堂語錄 國朝鄭肇丙撰 傳家寶

訓 國朝葉 孝弟編 訓家遺範 格言十則 淫賭訟三

戒文 俱 國朝蕭宗撰 隨見錄 古今格言 國朝鄧 過庭錄一卷

劉揆撰 過庭誌餘一卷 談林一卷 俱 國朝劉興藻撰 就芝軒隨筆

一卷 國朝劉 診餘漫錄四卷 國朝劉 實學錄 國朝劉寅撰 宋

會要錄 國朝陸 隨分盡孝錄 國朝香撰 傲書 國朝流寓

奧義辨難 國朝謝超撰 洛學求源錄 世德堂庸訓 俱 國朝黃富春撰

凡三十二部



兵家類戰守須知編

萬青撰

國朝劉 凡一部

農家類蠶桑簡便錄

國朝胡濟川撰自序云嘉禾自前明始置縣地極磽确土產不足充一年食

用故其民勤而苦俗簡而陋余攝篆茲邑思有以裨益之而未知所從也嘗因公至鄉見山木叢雜獨桑柘橡櫟等樹甚少訪諸士民僉云民間無養蠶者雖有此樹不知惜任樵采耳余日蠶桑與耕稼並重經籍言之詳矣無地不有無人不知每田一畝可種桑四五十株採葉飼蠶可得絲八九斤利加耕稼數倍三四月間蠶既畢方事割麥插禾時無妨於耕稼自浴繭至稱絲不過四十日功又逸於耕稼且耕稼尚有賦稅或憂旱潦蠶桑則否嘉禾土性高燥天氣溫和最宜蠶桑何以數百年來不享其利蓋無人開其先而詳示種桑養蠶之方也昔張乖崖宰崇陽令民拔茶植桑范堯夫宰襄城令民植桑贖罪余本俗吏何敢希蹤古人第以在籍時曾率家人治其事與鄰父老商酌古今種桑食蠶諸法彙為蠶桑簡便錄亟令手民刊刻成本各發各團俾家喻戶曉又徧帖示諭婉轉勸導並遣人往桂陽道州收買桑椹蠶繭以備來春之用將見兩三年後桑柘成而蠶織眾豐盈有象禮讓成風是亦裨益斯民之一道也 凡一部

泗陽州志

卷十一 藝文

十一

醫家類本草經驗方集要

明黃日芳撰

醫學大成

國朝黃濟撰

本草便覽

覽

國朝嚴有裕撰據萬崑傳高亦本草便覽

醫方便覽

國朝史紀棠撰

醫學心得

朝史銘

脈對傷寒對各一卷

俱國朝劉興涓撰

眼科外科醫案二卷

楊國朝

醫學捷徑

萬高撰

醫學待遺七種十二卷

急救奇

鮐續

俱國朝劉德煥撰

洋痘釋義

已刊板藏於家

凡十二部

天文算法類大統歷注二卷

勾股淺說二卷

俱國朝劉揆撰未刊藏

於其

凡二部

術數類六壬捷占

國朝李烈文撰

星學摘要

國朝何玉璽撰

地理正宗

三卷

國朝蕭功誨撰首卷詳理氣推行河洛變換文象繪圖三十六式皆有解說次卷論形勢以山龍平陽為大



綱陽宅分井邑曠野山谷末卷補論餘義其書皆本楊曾廖賴而尤折衷於蔣大鴻者也

凡三部

雜家類雜學之屬四業徵

好生海

童俱國朝世撰

讀左騷莊韓

精義

國朝胡成書撰

雜考之屬讀書質疑

銘桂國朝史撰

石鼓彙攷

國

朝劉德煥撰序見經部石經彙攷下

雜說之屬天門志館叢

錫穀國朝張撰

湘舟

國

記要

國朝李光笈撰

荆江劄記

國朝蕭敘宗撰

滋福堂叢話

葆森國朝張撰

國

雜編之屬耕讀要旨

國朝劉如芝撰

隨官錄

國朝黃兆源撰

苑異紀略

國朝流寓李長康撰

凡十二部

類書類子史聯珠

國朝鄧蘭章撰

文房嘉耦

國朝劉興藻撰

假借錄二

十四卷

韻府雙玉四卷

俱撰未刊藏於家

經史要錄

國朝閔朝撰

撰春秋三傳偶語

國朝劉興桓撰

成語類聯

國朝李烈文撰

類典新編

沔陽州志

卷十一藝文

三

國朝楊逢廣撰

珍珠船四六二十四卷

國朝費楚金撰

五經類典

國朝周朝撰

凡十部

小說家類曝背閒談

國朝劉興藻撰自序云冷署蕭然於冬為甚黃州以佳比薪烏薪尤不易得

老屋八九間向南為養竹山房快雪初晴佳友忽至相與撥

胡床就簷外曦光炙背共話呼童掃雪烹茗啜之便覺晉

代諸賢高風去人不遠不言親朋過失不言官府短長竟夕

軒渠大抵不離閒談者近是所積既多摘而記之凡若干條

名曰曝背閒談昔有訪友者聞於門內時鼓掌笑意與人款

接排闥人視祇友一人異之則曰獨坐無聊默溫笑話耳因

相與粲然茲編隨手序次非以示人亦思於

無聊時聊一展之以破寂云種道人偶編

凡一部

釋家類釋典豹斑錄

國朝李何煒撰

金剛經注解

國朝方巖撰

凡二

右子部七十五部



集部別集類古今文懶慙集明胡述滄浪集明歐陽蘇泉詩

集明潘老樵詩集明錢朝內方集八卷明童承敘撰原板已

刊監利王柏心跋咸豐初金陵不守板存蘇山集二十卷四

兩江節署燬於賊其印本州人尚有藏者蘇山集二十卷四

庫全書提要云是集凡詩十卷文十卷詩頗宏逸有姿而失

於薄弱文又不及其詩于頃堂書目別載柏見南山集八卷

不載此集殆偶未見歟按柏所著見南山集一作見南

閣集又來青軒詩文選借山亭集職方奏稿大業堂尺牘復

中語錄沔陽人物考凡蘇山選詩七卷俱明陳柏撰四庫

七種其後並為蘇山集蘇山選詩七卷全書提要云是集為

蕭田黃謙所選定凡詩四卷文三二西園文集十四卷詩集

卷十頃堂書目作五卷傳寫誤也

十二卷續集二十三卷明陳文燭撰四庫全書提要云文

廷中詩曰淮上詩曰嵩和詩曰西蜀詩曰東岱詩曰金焦詩

日黃蓬詩陳思育王喬桂皇甫袁福徵黃省曾沈明臣李

先芳孫斯億任翰高啟愚熊敦樸陳宗虞曾可耕吳國倫方

沉黃一正李維楨屠隆周光錫十九人序之文曰五岳山人

西陽州志卷十一藝文

前集五岳山人後集王世貞歸有光任道昆茅坤序之後總

編為二西園文集道昆世貞又序之續集則文燭身後其孫

之遠所輯皆有文無詩亦無當時名士序惟之遠自序之又

與文燭之壻龍膺各為一跋而已斯亦死生之際交遊盛衰

之驗而文壇標榜其不足盡據可知矣吳郡王世貞前集

序云王子曰蓋隆慶間有淮陽守陳君玉叔云余不識玉叔

之父憲大夫公博雅長者也已玉叔與余仲懋遊稍得其為

人已又從所得詩其最後玉叔以其文來余讀之蓋三得而

三為心折也明興世世有垂紳委蛇之業士大夫作為歌詩

以紹明正始之音雖如也至於文而各持其門戶以相軋卒

勝卒負而莫有竟者其故何也尚法則為法困裁而傷乎氣

達意則為意用縱而舍其津筏畏於思之難信心而成之苟

取其近者囂囂然而自足恥於名之易遂鉤棘以採之務剽

其異者沾沾然以為非常夫其各相軋而卒莫相竟也彼各

有以待其角之負然而不善所以為勝者故弗勝也吾來自

意而往之法意至而法偕至法就而意融乎其間矣夫意無

方而法有體也意來甚難而出之若易法往甚易而窺之若

難此所謂相為用也左氏法先意者也司馬氏意先法者也

然而未有不相為用者也夫不覩夫造物者之於兆類乎走

飛天喬各有則而不失真迨乎風容精彩流動而為生氣者



不之也彼見夫剽擬而少獲其似以爲真曰吾司馬左氏矣  
所謂生氣者安在哉任於才之盡一發而自以爲生色曰何  
所用司馬左氏爲不知其於走飛天喬之則何也玉叔文亡  
論所究極庶幾司馬左氏哉不屈闕其意以媚法不骫骳其  
法以殉意裁有擴而縱有操則既亦彬彬君子矣蓋玉叔三  
十而其業成然不以自安走一介不佞曰將就正也非以遊  
揚大人也嗚呼後玉叔相繼爲是者守此明文可以竟矣玉  
叔故蚤貴居恒白稱五岳山人以見志焉故曰五岳山人前  
集九十一卷 崑山歸有光前集序云余與玉叔別三年矣  
讀其文益奇余故鄙野不能得古人萬一然不喜爲今世之  
文性獨好史記勉而爲文不史記若也玉叔好史記其文卽  
史記若也信夫人之才力有不可強者夫西子病心而曠其  
里之醜人亦捧心而曠其里富人見之堅閉門而不出貧人  
見之挈妻子去之而走余固里之醜人耳若有如西子者而  
爲西子之曠顧不益美也耶故曰知美曠而不知曠之所以  
美夫知史記之所以爲史記則能史記矣故曰喙鳴合與天  
地爲合其合緝緝甚矣文之難言也每與玉叔抵掌而談相  
視而笑今見其熤熤爾洋洋爾灑灑爾別之三年而其文之  
富如此能史記若也荆楚自昔多文人左氏之傳荀卿之論  
屈子之騷莊周之篇皆楚人也試讀之未有不史記若也玉

沔陽州志卷十一藝文

古

叔生於楚其才豈異於古耶先是以其稿留余者逾月似以  
余爲知之者而命之題其後昔韓退之才兼眾體故敘樊紹  
叔則如樊紹叔敘柳子厚則如柳子厚余不能如玉叔况史  
記乎苟能如玉叔則亦里之捧心者也 歸安茅坤後集序  
云五岳山人後集者沔陽陳公玉叔所論著而以授余於茗  
上者也公一日走千里使囊所刻若干卷且移書而告之曰  
予少以文章自娛然自先秦及漢西京以下無不得其似所  
最剽心者若賈大中誼若司馬太史遷若淮南王安是也時  
時數爲摹畫亦時時數沾沾自喜所刻前集大抵本此王廷  
尉歸尙寶兩公嘗爲余品書而序之者其所稱述亦大都以  
此而已而余稍稍棄去竊以爲文章者所當天地間日月風  
霆山川疆域昆虫草木之變而繪之成象觸之成聲者也彼  
賈大中以下或得其解耳恐不必如故所摹畫也於是時予  
日以夢尙見不給故未嘗一句一字摹畫賈大中以下而抑  
未嘗不一句一字鼓鑄賈大中以下卽或類與否予亦大都  
不以之次於心而絀於眉睫也或漫矣又告之曰君今之韓  
歐也其爲我序之嗟乎予非嫻於文者豈敢當韓歐哉又安  
敢附王廷尉諸君序公之文哉然公所自謂近且不欲爲摹  
畫不欲爲沾沾自喜而獨以天地間所當繪而成象觸而成



聲者以為文章之旨則幾於道矣公所自得者之至而前集與後集間或相及不相及恐於公亦不能不以之自譽也予未之面公聞公之年尚富其於道也日以勤異日者公以文名當時而傳後世蓋有不獨今之聞人所稱述而已者噫予不敢當韓歐迺若公之所云或韓歐氏以市隱園集明費尙來未墜於地者之一綫也不識公謂然否

凌雲詩集明蕭翔撰陳文燭有序 蘭省集 隱園詩俱明陳汝璧撰 聖擇稿明曾

輝一呷草明鄧一儒撰 馴鶴樓詩明錢天錫撰 秋谷集明杜獻民撰 夢蟲吟

明黃日越遊草明李逢旭撰 樗散子詩明劉煒撰 梅花百韻詩明劉宏先撰

徑秋林集明許一 岱輿集明謝雋撰 白石齋詩集四卷 畫中集

一卷俱明胡 橘菴草明費中權撰 壺豆腐集明馬學衣撰 藕劍齋諸集

明張應九峰遊草湖北詩徵傳略胡維宗字之菴諸生益陽郭中丞都賢國變棄家為僧自號些菴初

居衡山從嘉魚尹宣子轉徙沔陽築室玉沙湖為補山堂沔人士亦樂與之遊之菴素著詩名相與唱酬尤多些菴有和

沔陽州志卷十一藝文 五

之菴過訪歸山堂詩原作未見之菴夏日補山堂賞荷遇雨詩第二首衡山夫子領諸生難得溪雲不放晴時見明珠走

荷葉未妨微雨溼柴荆淹留竟日香同飯珍重甘泉手自烹蠟屐出林風送往獨輸餘響聽深更 書鏡堂集

俱明胡南谷稿明杜渭 洞庭秋水閣吟明流寓郭都賢撰 海天清嘯

集明流寓潘 索遊草明流寓龍人儼撰 白練堂詩稿明流寓沈升撰 浮香草

諱愁草 李子詩餘俱寓李長康撰 默耕堂文集國朝李何煒撰程

光裡序碧照堂詩國朝費 鳴鶴堂集國朝申茂撰 鳴鶴亭集國

其前集 晚翠山房國朝黃石投 澤畔吟稿國朝王大敏撰 狎鷗

機撰 軒詩鈔國朝黃 苾芻詩草國朝胡 冷香社稿國朝劉

藏山詩文鈔國朝方巖撰 花悟堂八卷國朝方來撰自序云古

之騷莊周關尹變之子司馬遷變之史王實甫關漢卿羅貫中施耐菴變詞說李白以其豁杜甫以其沈雄李賀孟郊以



其誦誼詰曲元種白居易以其悃愾而詩之變盡楊雄變於漢韓愈柳宗元變於唐王安石蘇軾變於宋而文之變盡夫古之能變者必其才迥絕萬夫其學曠觀于卷而其深識大力足以破凡庸追琢之習開古今靈幻之途聽其誦譽於當時信其必傳於後世夫豈易言耶宋元而後變不可窮力不能變者雖以劉青田宋浦江方正學諸先生莫得而變焉變始於崆峒李氏至歷山變而峭弁山變而閔黃山變而綴文長變幽酸弁山中郎以磊落滑稽變濟南退谷又變木訥清虛公安退谷而後詩文之道窮窮窮則變而變非諸公之過也蓋詩之弊不在才人聲調獨創之初而在庸眾步趨競效之時學歷下則為臨模學弁山則為莽學黃山則為稚學柳浪蕭碧者為俚為誕至學隱秀者則燕燥以為樸厚寒瘠以為清靈頹波同馮古音盡墜予懼風不競矣不敢存轍往切今之心而斷不樂拾其慧不敢肩扶輪承蓋之力而常若欲劑其偏破素女五十之繁絃憂龍吟風雨於銅盃而攄愁寫歡模山範水之作稍成卷帙間刪訂綴次之昔人云矜慎不傳自誤而已予詎謂仰符哲匠窮變通久以與山川敵與古今爭乎然前徽莫逮而烟墨所馳驚精役靈一噫萬古竊憫然有不敢苟也新城王士禎序云摛詞者與世推移者也夫惟瑰璋礫石之士移世而不與世移與世移者一邱一壑石

沔陽州志

卷十一 藝文

夫

有時而泐水有時而凝冰有時而釋移世者百谷之王日月如驚星河似覆故與輿內諸嶽輿外十洲終古不做舉凡金石之液化為煙雲洞庭之籟忽湧波濤是也何者以其不與世移也楚脫菴方子天韻標令茗柯貫理香樹逆風予讀其詩賦古文詞凌古鑄今拔奇饒異冪兀物螺孤騫絕踪予怖其言作天際真人想今不得不以此推公矣抑思唐人曰樊川之文若躡太華臨溟渤人但觀乎積高而奮深而不知其磅礴澶漫所為遠且大也予於脫菴亦云然蓋脫菴窮經學古好深湛思所論議多種甲乙四部都歸鉛黃於經則有三經筆記闡釋闕通於史則有二十一史補刪鴻削精嚴於諸子則有叢書採摭粹鑿於諸集則有權言揚扞淹雅此之驚驚八極原原本本詞賦一席又其緒餘乃脫菴學既宏富才復清綺每一屬筆輒有絕雲氣負青蒼上無復色下無復淵之觀故隻詞偶句皆足單行人竇為九籥之吹八會之文有以也第脫菴登進士第以彼其才不能如昔人說書崇政校書天祿神雀命賦給筆札於蘭臺唐史新修執椽燭於翠袖而僅隨例得紫微舍人今歲謁選東銓予把臂長安邸舍恨相見晚相與劇詩輯頌品跋今古而脫菴又以尊公抱疾急乞旋里矣然脫菴懷抱過人蕭條高寄雅不樂牛馬走奔趨風塵閒嘗與予言曰千秋之業藏在名山吾其以翰墨為勛







撰 玩草園文集

玩草園詩集

俱 國朝劉揆撰自序云余

每聞誦古詩輒承聽久而不去先君子因爲口授其辭並解  
說其義如淵明貧士子美出塞諸篇蓋耳熟焉至今不忘也  
先君子晚好讀書著三宜齋筆記謂自三百篇後屈原以賦  
傳淵明子美以詩傳此三君子者天資忠厚鬱於中而發於  
外故傳之久遠而不敝非可以貌襲也余性不喜爲詩於時  
士所謂聲律尤不能通曉其因事感發有所賦咏斤斤然守  
先人之教淫言嫖語不敢少設於事蓋一家之學豈敢與當  
時詞人競工拙於毫釐之間歲在壬辰授徒城內學子謝同  
銘錄余舊時三百餘首並請爲序而藏之回念先君子歿時  
距今三十年矣先世藏書燼於甲子之火三宜齋筆記灰滅  
無存什不能記三四矣不肖之身年今五十九悔之集倍於  
曩時是區區者尙足齒牙及之耶我心憂傷念昔先人蓋爲  
之無卷零涕者久之 隨園詩話補遺劉揆字文白湖北沔  
陽州人少穎悟過日成誦比長剛正不阿能驅鬼怪有某氏  
爲怪所迷自稱丁相公劉知是野廟木偶執而柳之怪遂絕  
詩亦清老錄其新堤云鼓社晨光裏灣環一港通林鳩猶喚  
雨檐燕欲臨風帆影江煙外人家水氣中誰憐穠李樹如雪  
吐晴空他如過白湖云微波不動處新月自然生詠月云宿

沔陽州志

卷十一 藝文

六

樹鴉聲定侵窗  
花影移俱妙

越千詩集

國朝胡越千撰

芥舟山房詩草

國朝

朝劉觀我亭文集

春暉堂詩集

俱 國朝劉與澣撰

國朝

朝劉補希堂集二十卷

國朝張泰來撰陸建瀛嘗  
選古文二本序刊板毀於賊

鶴樓集

詠 國朝史蘭谷詩略

守異撰

懷古堂文稿

凝秋齋詩

集 俱 國朝李可達撰張錫穀序云復城有二布衣皆以詩  
名一爲史雪髯先生一則特菴李君史之爲人也藹然溫  
且厚而李君言色不苟慄烈如寒冰兩入者性情容貌若  
惠之不可同而學同品同交得而好苦吟卒歸於同然有同  
而異者史之杖底草溫柔敦厚熙然如春李則多愁苦而少  
權愉之詞類音人所謂秋士悲者而皆不失爲君子何則仁  
義之人各得天地之正氣其言不必相襲也余與李君交重  
其古心古貌如孟東野今自鷺中歸而君化去已十年晤其  
令子示讀疑秋集撼撼乎恍置身霜楓露菊間令人心骨俱  
清坐對而不能去回序雪翁嘗以人重詩告其哲嗣丹枝矣  
今於李氏

集亦云 江峰閣詩集

國朝李基撰

卧雲堂詩集

國朝王煊撰

集亦云 江峰閣詩集

國朝李基撰

卧雲堂詩集

國朝王煊撰

集亦云 江峰閣詩集

國朝李基撰

卧雲堂詩集

國朝王煊撰

集亦云 江峰閣詩集

國朝李基撰

卧雲堂詩集

國朝王煊撰

集亦云 江峰閣詩集

國朝李基撰

卧雲堂詩集

國朝王煊撰



云雲亦靈怪矣哉觸石而起膚寸而合蒼蒼太虛中奇詭變幻不測為牛為馬為犬為鼠為龍為車輪為行人為白鵠赤珠為魚鱗水波峰巒賦形成象隨其所之人之奇傑不凡者亦猶是也玉沙王煊年二十餘尚困童子試葛藟顛危此中若余笑曰雲也而乃臥乎哉吾不與于言雲與子言卧于青白眼也愧備胸也霹靂手也飛行絕跡足也珠玉咳唾也錦繡心肝也浩浩落落一肚皮不合時宜氣也子豈久卧者哉知子則知雲子不能久卧而謂雲乃卧乎哉然而奇傑骯髒如子猶困於童子試婦啼飢而髻如稚兒號寒而脚不襪仰笑而屋已打頭高卧而被不覆足則雲也而竟卧矣其不得已而發為詩也故皆淒風苦雨之篇曉星殘月之什余讀之余歎之真卧雲堂中人詩也雖然雲豈終卧者哉蓄極則洩闕極則達熱極則風壅極則通斯時也非久卧者思起時乎有物焉乘之去矣

白醉山房詩文集

國朝劉匪莪撰

匪莪氏文集

胡日昌

次書文集

國朝湯若巖撰

雀硯齋詩文集

天門蔣祥墀序云蓮

沔陽州志

卷七

藝文

九

會科又互為後先己未謁選都門始訂交自出宰黔陽七千里雲樹迢遙尺素偶通寸悃莫達逮賦閒後十年鄉邦學者尊如山斗而余又久居京邸良觀莫由求其著作一讀不可得茲冬讀禮回籍先生適應王邑侯修志之聘圖史隨身好學不倦纂輯之餘頤情吟詠因出其詩集三卷屬序於余余維今之以詩鳴者往往寫其抑鬱不平之氣或吟風嘯月自託於高人達士放蕩不羈而不必有所謂真性情者雖欲以詩鳴而先失所以鳴之本其鳴猶弗鳴也先生少以穎悟之才讀書萬卷每屬文輒為巨公所稱許知己之感復注於楮墨間雖未獲珥筆詞館和其聲以鳴其盛而以名進士作循良吏自出山以至歸田凡獲上信友愛民取士憶家訓後與夫山川景物流露於贈答題詠者無不清新古淡語語從肺腑中達出其真樸如樂天詩老姬可解而典核又如工部詩無一字無來歷反覆讀之想見古人忠愛之遺意焉先生雖不以詩名而先生之詩超矣先生之學粹而品峻矣何必以詩鳴又何必不以詩鳴哉是為序

天門熊士鵬序云沔與吾邑為水國重湖枝津盤盤焉困焉彌望皆漁村蟹舍昔人所謂氣吞雲夢八九者即是地也山國之人雄以傑水國之人清以靈沔與吾邑或稱竟陵或稱復州遞相屬也其地同其人同其詩文亦同吾邑自唐以前無論矣其繼陸鴻漸



皮襲美而起者則有魯蓮北李本寧鍾伯敬譚友夏四先生  
河則有童庶子陳玉叔兩先生及今之張子蓮濤亦皆後先  
接踵者也蓮濤始與余相見於燕山古利繼且拏舟至其家  
後自黔南歸而館穀於汪稼門制軍署中予又得以數相過  
從性純靖博雅而多才讀書居官如一日而獨喜為詩文以  
自娛今已纍纍然成帙矣顧吾歎桑苧翁著作凡八九種而  
惟傳茶經鹿門子所作文藪及松陵唱和往往近於道澗澗  
清絕中俱有嚴冷不屑之意予嘗持此意而徧讀文恪大泌  
隱秀歸嶽諸篇恬退者以淡勝博洽者以多勝聰穎者以雋  
勝或同或不同亦自有辨要皆清空一氣以成其性之所近  
固未嘗求益選肥如酒池肉林之所為雖二酉園二十六卷  
內方集十卷世或不多有而論者嘗擬之春雲秋水是其詩  
文亦必有卓然自成一家者然則蓮濤淵源之所出不在此  
歟楚水之大者無如江漢故古今之騷人韻士炳靈而啟秀  
者尤樂與水為居遊沂茗雪過笠澤甫里則有皮陸之遺跡  
焉予亦汎磬池眺晃洲走笑城寒河穆然想見鄉先生之為  
人卸蓮濤棄官歸里亦時與二三高徒遊歷大小隱林從菰  
蘆烟雨間而問昔年之五嶽山人與楚中才子其風流尚有  
存者人欲久仕宦而觀蓮濤之以詩文  
自娛酣嬉於水濱而不厭者何如也  
林下老人敘稿俱國朝

泗陽州志卷十一藝文

三

張錫穀撰 杏垞文集 短笛吟詩俱國朝 香簡堂文集胡成書

撰 芹桂軒詩古文詞國朝劉 芥園文集本琪撰 竹逸詩國朝

草 國朝陳 思古堂集春曉撰 聽鶴堂詩文集毓瑞撰

水餘草鵬雲撰 炊藜集昌齡撰 嘯月山房文集李全珠

撰 雨亭詩集國朝徐雨亭撰 彭布衣稿國朝彭衡撰

南峰詩如盆涵魚藻小有幽致七律九清稔斷句如旅夢身  
千里鄉心月一船登黃鶴樓詩云絕代江山留過客滿天風

雨入高樓皆 荆江詩文集敘宗撰 江漢游草國朝李維

安帖有致 一湖秋花裏罰依金谷酒月中吹斷玉人簫五言如路輭花

徵傳略紀字月溪諸生佳句如礎杆揭殘千戶月漁歌喚起

含雨波香水載花綠殘官道柳黃綴野籬橙望火投官路披  
星補客程白波新漲水紅樹夕陽山遠水疏星亂長天片月  
浮梅影半窗畫松聲一枕濤酒醉 就芝軒文集 觀頤齋詩  
傾尤易詩工對較難皆不減唐人







冠補弟子員隨伯兄及六弟驪鄂城鄉試每與先生同寓聚  
晤良久深悉先生夙敦品誼而襟懷坦白如濯濯秋月朗朗  
玉山絕無城府氣又其天性獨異也素工草書仿右軍十七  
帖能肖其神遠近求者無虛日時或棋局消遣丹青寫意皆  
自率天眞不拾人牙慧論詩則宗唐音得句非知已則秘之  
時縱論古今人物俯仰上下慷慨激昂其精識卓論迥非淺  
近之士所能窺非平時枕經藉史茹古涵今烏能見之超超  
言之鑿鑿耶乃屢蹟文場未獲一售以馳騁千里之才久騫  
樞下竟鬱鬱以明經老豈非命運限之耶而造物之位置斯  
人究不可得而知也余通籍後道光壬申奉諱歸里先生老  
病家居室無擔石晏如也戚友偶邀共酌先生猶拇戰酣飲  
無倦容方喜其老而愈健也迨甲申再丁內艱旋里先生已  
歸道山矣讀所遺詩稿擬作弁言付梓未果茲同治乙丑冬  
致仕歸田距先生之歿已三十稔伯兄亦即世十餘年追憶  
曩昔交遊電光泡影恍惚如夢舊雨懷人之感烏能已耶詢  
之猶子盛椿前稿尙未付梓索回披誦大抵天機流露近香  
山格局渾成近工部論者謂於漁洋小倉爲近不知二公博  
雅淹通亦係一代傳人至詩律精嚴自李杜而後求其根底  
盤深自樹一幟者曾不數數觀本朝以詩鳴者如甌北船  
山小倉尙與漁洋竹垞後先輝映外此無眞性情雖膾炙人  
口無取焉蓮濤先生敘語極爲允當欽佩奚似邇來沔邑水  
患兵燹迭遭浩劫訪同輩諸友多付人琴之感聞之惻然竊  
喜先生僅遺一孫避兵遠徙經椿姪尋歸完聚已苗孫門枝  
克延亦稍慰九泉之心已嗟乎先生壯志蹉跎雖處貧約不  
廢吟咏有作不輕以示人是故當時鮮有識之者珠玉瓦石  
同一沈淪古今同慨則夫學人不遇於時並一生著作付之  
灰燼而鮮有傳者正復不少今先生詩猶幸出於兵燹之餘  
展卷如對故人又豈意料所及耶今稔知先生之品與學可  
法於世今敘先生益信其詩傳而品與學俱傳也 監利王  
柏心序云始柏心爲童子隨先君讀書沔之茅江時沔陽謝  
東海先生亦授徒其地與先君過從甚樂也柏心年甫十二  
三先君命出所業質之先生一見器之退語人此即殊不凡  
自是每見輒加賞譽踰歲先生去茅江不復相聞問忽忽四  
十餘年矣許子荆田者先生里人也頃訪余講舍袖一編出  
示曰此吾州海東先生遺詩也先生歿已久其從子蔚章爲  
之鈔存屬致諸吾子加選擇焉且序其首簡云先叔遺命也  
柏心泣然受而讀之既定去留乃敘曰昔仲宣見賞於中郎  
曲江見奇於燕公皆以童年邀名公獎譽柏心何人敢希古  
賢之遺烈哉特回憶曩昔先生之所期許者願在遠大今老  
矣事功學業兩無成就不足副長者望然知已之感未嘗一

沔陽州志

卷十一 藝文

三



日去諸懷也先生以雋才早遊庠序學使某欲置之拔萃未  
果困於鄉舉貧甚為塾師自給體貌豐偉善飲豪放無齷齪  
態草書過晉人日揮灑不稍倦性耿介無妄取談忠孝節義  
事滾滾可聽外若不立崖岸而操履堅固尤心重洛閩諸大  
儒之學至其為詩也不沿門戶格調獨以清壯亮拔直達已  
意為主然究其指歸往往與古合先生與詩皆尚氣岸似  
非以繩糞老者同時州里中比牒並名者與後進之士入直  
承明出仗節以華要顯名當世者先後相望矣先生獨滯諸  
生籍貧不自振然所為詩絕無怨尤豈非其道力堅定有過  
人者耶天於先生獨使之阨窮遺佚若摧折之恐不及者抑  
獨何哉然則榮名厚祿專以待庸流而所謂賢人君子固非  
真宰所甚寵惜者耶昔吾夫子於困窮之士歎之曰命矣夫  
求其故而不得則歸之命耳嗟乎先生人與詩皆不宜數窮  
至此意者命實為之命之力有過造物雖造物亦不能制窮  
信乎欲求其故而不可得矣  
笑竹軒詩集之愚撰  
牛忍堂  
敘先生詩益為唏噓不已

詩文集 國朝張 愛蓮堂文集 周 國朝 清芬館古文 清芬

館詩集 文俱 國朝李烈 笠人詩文集 日 國朝夏 聽春草堂詩

沔陽州志 卷十一 藝文 三

文集九卷 國朝周揆源撰自序云余幼時習制藝兼攻試

通籍後乃取唐宋各名家集讀之參閱魏晉諸作始自歎學

亦未敢自信敢以詩鳴哉元辛文房云詩可通天地感鬼神

厚人倫移風俗發乎情止乎義非徒尚文詞已哉由是以推

雅頌開其端離騷放厥詞蘇李之高超出以定律建安之適

壯卓爾成家爛熳於江左濫觴於齊梁雖醜疵不一而騷壇

之興廢世運之隆替所關豈淺鮮哉至於天機流露而不限

乎人如樵夫牧豎每多天籟自鳴羽客行僧亦備輶軒之采

大抵詩本性情者真李供奉天才過人自是高人一等白香

山老嫗能解豈同率爾操觚古人博洽淹通絕無雕繪之迹  
以視拈鬚擁被刻意求工或摘藻採華徒誇富麗雖體裁各  
別風氣迭更而文勝則情掩竊謂詩之妙境恐不在是古人  
行役多紀行之章如老杜髯蘇各集多懷古興思因事寄慨  
之作後人有紀行專集殆倣諸此予卅年來南轅北轍往返  
齊楚燕趙秦晉吳越之區客路光陰天涯鴻雪每拈韻以當  
記程邇來匏繫三山蒿目時艱時或藉抒悲憤亦發於情之  
難已噫予年老矣求其根底盤固包孕古厚再登少陵昌黎  
眉山諸家之堂而得其緒餘已不可得况敢獨樹一幟耶自



道光辛卯後歷年所作得詩三千餘首置之敝篋久矣未敢出而問世已未再歷樵川值兵燹之餘喜殘編斷紙未墮劫灰友人慇懃付梓庚申冬始檢出刪定芟其十之七存詩三百八十七首吾友張竹人在署襄校付之剛八名曰聽春草堂詩鈔聽春者予幼時齋名茲沿其舊云

**味吾味齋詩集** 萬嵩撰  
**燕子堂文集** 國朝汪珩聲撰  
**彩園詩集** 國朝葉白陵書屋詩鈔 撰湖北詩徵傳  
**白陵書屋詩鈔** 撰湖北詩徵傳  
**龍撰** 略珩聲字芾佩諸生有讀唐詩五律非深嘗此中甘苦者不能道句云三唐誰蘊釀萬卷盡包羅看若不經意來從苦處多雄渾固無匹冲淡更難摩七子才原大專求格調何又菜花云一片黃花照眼明百花之外最關情獨留春色饒香味別有風光愛嫩晴曉霽遠山青未了夕陽流水淡無聲羨燕他麥浪搖天碧掩映郊原異樣清刻畫處頗有大方家數

**翼樓文集** 吟梅書館詩文集 俱何樹森撰  
**橫背小草** 劉德煥撰

**筆花堂詩** 鴻鍾撰  
**心耕山房詩文集** 鴻翥撰  
**自在軒** 國朝張

**詩鈔** 國朝汪麟道撰  
**麟道詩集** 麟道撰  
**哦棣軒詩文詞集** 朝吳

**沔陽州志** 卷十一 藝文

道垣 **湛園詩草** 味無味齋雜作 俱吳道垣撰  
**擬園詩草** 朝吳

道均 **髯夫詩鈔** 國朝吳恬園詩草 成瑾撰  
**友蘭堂詩文** 國朝袁

**集** 國朝徐滋福堂文集 東南遊草 叔餘文存 俱朝張葆

森撰自序天不工予以文而性偏嗜焉嘗類次前後所為文凡百餘篇藏之行笥於邵武遭寇亂盡失及寇退客匡已峰太守幕率多捉刀之作越明年寇復至又失噫天不工予以

文而又若忌予之文使之泯焉無所存天豈亦有人之見存耶嗣是以來又間有作今復檢錄彙以曩之已刊未盡佚者為一編題曰叔餘文存亦聊以自娛耳噫天既不工予以文而謂區區者不予畀予必自

**小停雲詩草** 國朝陳經腹堂

為之以斬勝於天則何能

**詩古文詞** 顯訓撰  
**夢園詩草** 永郁撰  
**雲階詩草** 劉大廷

撰 **聽秋軒詩集** 國朝杜一味真齋詩鈔 炳甲撰  
**紅杏草**

**堂雜集** 國朝宋蘭坪詩草 獻章撰  
**六江行吟詩草** 詠



史約編俱國朝龍在田撰韞山詩草純國朝胡春池吟草四卷朝國

紹連石薌書屋詩草杜國朝霽月堂詩文集雲國朝葉湘圃

詩稿延國朝秋閣集四卷文國朝李亦園詩程二雞

助草俱國朝洗心齋文集康國朝杜志勤堂詩文集朝國

撰靜綠山房詩文四六十二卷綾國朝張半溪草堂詩稿四

卷附青陔遺稿一卷文稿二卷稿俱國朝傅卓然撰青陔遺

詩稿序云半溪草堂詩稿者傅子立齋所著也傅子居沔之

茅江家鄰湖濱距相心可數十里嘗與先後同受業尹蘭皋

先生門下及傅子舉於鄉出金吟香刺史之房時相心亦嘗

受薦焉傅子謂序其詩者宜莫若相心故持是相屬云傅子

上春官報罷而歸未幾粵寇躪楚茅江適值其衝賊踪不絕

里人逃走欲盡傅子毅然力止之乃倡民團以拒賊既而相

東義師起逐賊過境則權市緡以餽軍諸將帥嘉之檄傅子

主市租凡軍資皆取辦焉時江漢未復官軍頗有利鈍隔江

沔陽州志卷十一藝文

土寇充斥烽火相望市人惴惴仍欲走傅子苦相曉譬激發

以大義眾情始定轉輸不絕竟倚其力以恢復楚境當事謂

傅子勞苦功高請於朝擢職至都丞邀翠羽之錫先是沔

境數苦潦傅子時時募眾為義舉所全活甚多人視之恂恂

有審知其才濟安危未能以能詩日傅子亦絕口未嘗

論詩即相心初不料傅子工詩竟若是也今取而讀之意則

雋遠而深厚格則峻潔而英壯興則夷澹沲然有自得

之樂蓋步履左丞右司而出入大厯十子間者其致力甚深

非率爾操觚者比乃歎傅子之才為莫能測也昔有謝太傅

談笑而控強秦至其論詩取昔我往矣數語謂有雅人深致

古今以為知言裴晉公李贊皇韓魏公皆能詩特為勳名掩

耳然則才之大者固無所不能也獨何疑於傅子今傅子杜

門謝事倘祥雲水間將復從事吟咏道古作者舉向時捍患

固園之功超然若忘之矣吾知讀其詩者又將以專門名家

相賞而不料其能扶危濟變有魯連墨翟之風也則信乎傅

子之才之終莫能測也咸豐辛酉春衡陽彭玉麟詩稿序

云詩原以寫情景道性靈三百篇出風入雅性情為體比興

為用千古騷壇奉為準繩蓋其體用得之正也吾觀世之事

吟詠者或專尚芬鋪為博雅或專尚巧麗為精工情因景寫



初猶不失其性靈之真久之博愈求博工益思工論詩之學  
力則日進論詩之境地則日薄何也文勝質則史虛文掩義  
轉失其真故也至於好奇翻開門徑陸離光怪是邪說矣尚  
可言詩乎哉不以辭害意方是詩家正宗吾於沔陽傅子立  
齋得之矣立齋以名孝廉襄戎事敘功擢司馬吾十六年前  
督軍鄂渚時舊相契性情仁厚篤實輝光君子人也耄而好  
學間事推敲歲戊辰不遠數千里來遊江南軍次童顏鶴髮  
逸韻飄然可謂老而益壯袖出詩二卷索點定余不才枕戈  
驚濤駭浪中專以辨賊為務筆硯久焚吟腸枯槁春蠶秋柳  
精氣衰殘老夫耄矣無能為也軍暇盥讀一遍覺大羹元酒  
至味澹而彌永本忠廉節義發為咏歌於典雅工麗中見真  
情景真性靈比也與也可歌可泣感慨係之意不為辭害是  
深得三百篇風人之旨者體用悉正一言以蔽之日思無邪  
秋風起矣立齋有尊羹鱸膾之思歸帆在即爰撥允書數行  
歸之雪泥鴻爪聊證因緣云爾同治七年戊辰新秋後四日  
劉楷章青陔遺稿跋云吾友傅立齋孝廉壯歲因公車不  
得志後粵匪滋事所居新堤濱大江為楚北上游要地時公  
私交匱團練之舉無人身肩立齋獨慨然出布置井然不惟  
一方賴以保全即省垣大僚亦資其接濟文章之外兼工吟  
詠次嗣青陔承其家學人皆大器期之不幸以英年赴玉樓

沔陽州志 卷十一 藝文

美

召其同學友李生漢城思其人不可沒其才為搜古近體數  
十首寄余意欲刊刻以附其尊人詩稿之末閱之似傲王孟  
而得其靜趣者倘假之以年入室固無難耳為點定焉以塞  
其請且以慰吾老友也 長沙李壽蓉文稿序云丁亥閏四  
月沔陽彭生季曾將其鄉先生傅立齋司馬半溪草堂詩文  
遺集乞署檢並加點定余受讀之詩清警拔俗文尤沈鬱深  
雅屹然當代作者林也讀竟觀王生儀九所為墓誌知先生  
處鄂中多事以孝廉肩團防餉捐諸大端於新隄市有大  
功於時竊自念早歲家居亦嘗與鄉練事所稱湘中五福團  
者也其時賊蹤逼近而人恪出貲時有捍格震蕩之苦以思  
先生所為豈不難哉豈不難哉且夫畸人傑士胸次超朗功  
成而退冥意仕進視營營名場人堪共語耶獨其抗慨爭是  
非幾蹈不測之禍則壽蓉官戶部時下獄情事庶幾似之是  
不可謂非同志也鄉令先生今日歸然健在與之把酒看  
劍商確古今並相析詩文疑義當不以鄙人為無似惜壽蓉  
乞外至鄂已在辛未二月先生歸道山三年後也風雨滿漉  
中反復遺編有不勝喟然增 娛性堂詩鈔二卷 國朝黃樂  
感者爾謹撰於經心講舍 鶴齡撰 牧笛草 汪謙撰 竹

餘草堂詩集 湯鉉撰 國朝經世堂集 鶴齡撰 國朝邵 牧笛草 汪謙撰 國朝 竹



田詩草 國朝陶甄撰 續繡吟集 國朝鄧蘭章撰 茹經堂文稿 國朝張本俊撰

晴嵐老人詩文集 國朝許學易撰 稻香齋古文鈔二卷賦 國朝黃岡錢崇柏有序

鈔二卷 國朝劉楷章撰 乃新莊詩草 國朝周斯貴撰 焚餘詩草 國朝李皋撰

寄生草堂詩文集二卷 國朝周寅斗撰 浴鶴書屋詩文集 國朝陸鍾漢撰

自娛集 國朝曹溱道撰 鷺舟山房詩集 國朝李廷傑撰 梓馨詩草 國朝庸撰

瓶隱山房詩草 國朝沈廷升撰 髻夫詩鈔 國朝吳書朝撰 興靜

宜齋詩草 國朝陳廷杰撰 雙榴堂詩草 國朝葉保璽撰 萱壽堂文集

邃古堂四六 國朝劉國香撰 河干堂詩文集 國朝胡寅慎撰 廿二史詩集 國朝俱

稻花香館詩文集 國朝胡濟川撰 寅慎堂文集 國朝向煦撰 坦菴

詩集 國朝黃養俊撰 見心集詩 孝子詩 雜吟二卷 國朝張棟撰

河陽州志 卷十一 藝文 七

閒雲集詩草 國朝戴士謙撰 守拙堂文集 國朝彭懋昇撰 茹古山房文

集 國朝陳文楷撰 青繡館雜著 國朝王燦撰 半巖草 國朝陳儒榮撰 清溪

草堂詩稿 國朝王聲華撰 樹德堂詩文集 國朝王遵道撰 蓉城子詩文

集 國朝胡霽撰 漱芳軒詩鈔一卷 國朝楊登福撰 霽月山房詩文集

安愚堂詩文集 國朝郭景唐撰 南遊詩草 國朝答文彬撰 希恕

室文集 國朝李毓燾撰 十笏草堂詩鈔 國朝楊鳳章撰 醉竹山房詩文

集 國朝李漢京撰 聽香閣詩雜文集 國朝李芬撰 卧雲館詩集 國朝王照根撰

愛日堂詩文集 國朝陳絳昌撰 枕花軒詩草 國朝蔣兆蓉撰 見齋詩

草 國朝錢崇柏序 邃經堂集 國朝傅大璠撰 逸仙詩草 國朝王濟霖撰

思貽堂文集 四友山房詩賦稿 國朝何維城撰 芸經山房文集



國朝 杜舉撰 凡二百二十八部

總集類文選集腴二卷 國朝劉文翥撰 花萼軒文集 國朝劉唐興桓撰

詩選腴 國朝張鴻翥撰 文法略選二集 國朝王樹芬撰曹秉濬序 凡四部

詩文評類文範 明孟世卿撰 摘杜詩禰 唐宋各體詩禰 俱國朝史紀撰

事律導 賦導 俱國朝張錫穀撰 唐詩蒙求 國朝龔遜峰撰 賦話二卷 國朝史紀撰

朝劉文翥撰 慵窗詩話 國朝劉檢才撰 古今體詩話 國朝苗逢湛撰 靜虛齋

詩話 國朝劉振先撰 凡十部

右集部二百四十二部



沔陽州志卷之

藝文 書 考 祭文 墓銘 墓表 傳

與余方伯論魚牙書

童承敘

大方伯余老先生門下執事比來一再奉書俱辱優納感何可盡茲者不揆復有所請孤苦塊中人事謝絕率不與聞去歲臘中諸河泊官吏業民相與過孤爲言朝廷徵取魚牙上官督催甚急顧湖澤中實不產此謂孤可以一言進欲令幹旋其事孤以爲有司自能申達當路必能處分無俟孤言謹謝遣之而去今春復來言郡中具申不聽奈事頗急請以價折之孤以爲無與於已亦復謝避日者復相聚而至人益眾

沔陽州志

卷十一 藝文

書

一

爭言折價亦復不聽然來使日相責索願各捐資遣人詣荆岳收買之顧差人督責亦嚴若不可以須臾緩者請遺書左右少寬其期已而陳刺史亦至深爲之勸孤重違其請兼以鄉里故敢特瑣瑣爲一言之夫沔沮澧之區蓬葦之澤誠魚蟹之所聚網罟之所集也夫水之匯聚莫如沔而勢最清淺其湖苟不濱湘江與漢流皆無支派可通非有洪濤巨浸則各爲一區如陂塘而已非若江淮河海旁通遠引泓深空濶也夫沔之湖誠多矣亦誠廣且大矣然皆葦葦菱芡之所生婦人孺子駕輕舸短楫可涉而過冬窮水涸有可以褰裳濡足者矣夫物不足以容者皆不足以息也擊水之鯤必居尾



閭垂天之鵬必盤幽島非可責之溪壟也夫沔之民固皆以捕魚爲業然苟得尋尺之鯉則相顧而喜矣故魴鱮鯉鯪鮒鮓鮓此沔之所服食而商販之所貿也今所徵魚牙則鯉也鯉非沔有也卽有之不過徑尺而止耳必如來式非重百斤不可且其色必正黃餘魚不用此洞庭大江徐求之或可具也然擇之精而求之切雖洞庭大江亦罕矣况於必無之沔陽哉或以爲沔涉大江此亦足致者殆未躬履其地也夫沔惟東南一隅與烏林相望荆岳相連然必深夏川流泛溢江水灌河此魚乘流而入容可得什一於千百也且今所需至百二十斤以魚計凡千有餘斤此何異求珠玉於茅茨擇

沔陽州志

卷十一 藝文

書

二

韋弦於扣繡哉夫以必不可得之物而索之必不產之地以必不可已之舉而付之必不能致之人君子於此必將爲之地矣倣郡陳刺史寬而愛人慎而克幹得檄以來蚤夜焦勞深慮無以奉命而塞責下至河泊官吏亦惴惴焉惟恐及於罪也夫以腐敗摧割之物而上下爲之弗甯孤於是而獨不知所以爲謀矣伏惟執事深察地勢遠鑒民情惻然興感昭然垂慮惟令折價責付沿江郡縣代徵或復假以時日俟其備買立召來使明示期限使上不乏用於公家下不遺憂於荒郡朝廷泯誅求之跡官民省督責之煩於執事爲仁術而孤也有榮施矣如何如何越旨台威無任悚責



與宋巡撫論災荒書

董承敘

沔郡地窪水鍾漢逕其北江逕其南無歲不受水患今年六月江忽暴漲勢如建瓴隄皆瀾漫一夕水猝至丈餘民無所指手足或巢木末或棲屋巔風飄波蕩非溺則飢故今湖北之災視他郡尤異往歲水災輒得徑自上聞今則謂有新例但中呈而已昨見撫院奏雖概及於沔然沈溺之狀豈能獨詳於沔則所恃以救民之瘼者惟明執事一人耳頃者賑恤之典雖行恐所捐有限數十萬民命未易周洽况給發之時其弊有甚焉者乎蠲租之令雖下而尙征三分洪流千里尺寸之土皆無何由復辨况催科之際其弊有甚焉者乎伏惟

沔陽州志

卷十一 藝文書

三

明執事控制諸藩總司風紀而撫綏之任爲重若仰體當亡長災憫窮之意俯念小民昏墊流離之苦或移節躬臨或命官覈勘先以倉庫所積銀粟盡行給散以救張口待哺之眾帑銀至日數有不敷卽多方湊協如太嶽香錢州庫魚稞之類普施大賚其見徵三分之租自沔歲運計之不過三千卽以賑貸補之斯亦良法也然說者曰給賑不如折租之爲實惠也夫有租是有田也此平日之號爲有恒產者今雖饑或不假於賑又從而折其租是惠獨沾於有產之民也彼轉徙之眾單寡之丁旣無租可折又無賑可賴其不至填溝壑膏草野亦焉往哉是大可悲也且民有出者少無田者多使就



食之民扶老攜幼滿道而來乃託曰無租之可折也則將坐而視其死歟夫救荒之策自古所難前丙子時朝廷遣東湖吳公賑之東湖才大謀疏當時賑格頗有遺慮如作粥一事反滋弊而聚死其後復災儲知州洵專務休息征科一切報罷歲租悉以庫銀代之及散賑洵計道里遠近具舟載粟約民不得入州洵躬立村市給之民隨至支發人人沾足而吏胥不得爲奸故民始以撫賑不至輒流及聞洵賑濟得宜雖流輒復是歲之災不甚病者以洵故也僕時以使事過家蓋親見焉夫飢民之來必經里胥里胥之報或非甚飢之民也散賑之日民遠者率先期而集或過期不給經旬浹月不能得食故有口腹未充而先橫道路升斗纔得而償折市肆者矣夫荒大災也賑渥恩也而其苟且若是是何忍也故如洵者可謂盡心焉耳矣僕嘗以爲歲之凶也有飢民有流民飢民者我民之有籍者也流民者民之逋亡及我民之東西轉移者也賑之所及皆尺籍可呼名而唱籌者也流民則不然斯其賑也亦狹矣夫我民之在他猶他民之在我也是可以差等乎富公朱公之所活皆流民也故其命以數十萬計今明執事之所統四省之民皆赤子也而以二公之心爲心則所活又止此乎使有司者皆以二公之心爲心則所活不如二郡無是理也故擇賢有司而使之救民不啻療病而任良



醫也惟明執事留意

與黃卓峯書

童承敘

孤再拜奉弔執事猶括髮杖而不衰是未成服也按禮聞喪若未得行則成服而後行謂使事未竟也朱子家禮亦謂不奔喪則四日成服不奔喪卽未得行之謂也故其儀節於再哭三哭猶括髮袒及三日成服卽復括與褐也若聞喪亟行則但當變服於禮無括髮袒至於家然後括髮袒言不可以是行於當路也喪服小記奔父之喪括髮於堂上袒降踊襲經於東方亦謂未得行而成服者爾故禮奔喪者不及殯先之墓括髮事畢遂冠歸入門猶括髮夫必冠歸者嫌於道路汚陽州志

卷十一藝文書

五

也且初喪披髮小斂括髮至四日而成服禮之節也括髮未有過三日者也執事聞喪於崇想已括之矣不必至汚而再括也况自聞喪至今不止四日則成服之期已過不當至汚而後成也執事判郡攝邑公事未竟謂之未得行可也則成服而後行無疑矣若今但括髮而不成服則不惟無久括之禮且有道路之嫌若道用冠至家而又括髮是三括髮也斯亦過矣若禮奔喪亟行不言括髮成服欲其至家行之也惟不卽行則遂括髮成服不欲久廢禮也此聖人至精至密之制也且禮有衰而不杖者未有杖而不衰者執事不成服則不當杖杖則必當成服若不冠不經而杖是違禮也執事純



孝哀痛深至不覺其過然先王之制不敢過不敢不及孝子之於親諸無所盡其心惟盡其禮而已故曰葬之以禮也孤於先人之喪亦多草草近於讀禮之餘竊有悔焉茲復敢以告執事者冀執事謹之於始以盡誠信之道無若孤之有悔焉可也僭及無任瑣瑣之懇不具

謝陳五嶽序文刻書

浙江歸安人

茅坤

僕少不自量頗好習爲文章詩歌之什願附世之騷裏而躐躐千古鴟鵬而翻飛層霄也顧以蹄之窘而翮之鍛寘之泥淖困之藩籬久矣辱公所序拙藁爲褒稱而詮次之且謂或升古作者之堂何敢當何敢當伏思國朝以來詩聲起自高

沔陽州志

卷十一藝文

書

六

徐輩凌轢宋元已而何李中興而邊太常顧中丞鄭繼之薛君采朱子升馬仲房輩繼之嘉靖間張子言高子業王履吉黃勉之唐應德陳約之許子春蔡子木皇甫兄弟輩又從而羽翼之已而李于麟輩翱翔卽署互相標榜甚且叱咤風霆而嘯噴日月也五七言古詩及近體以下不敢謂並中律呂然大較翩翩乎上附六朝下薄大庾矣獨於文章未敢輕議宋太史後寥寥也王新建論學書及兵略諸疏可謂千年絕調矣而江西以後猥視末藝卽如唐王以下頗厭何李之抗聲藻而略神理也稍稍於歐陽曾王若將共爲翺翔嫋娜其間然抑或疲矣他操觚者輒呼曰某太史公也某班掾也世



之借耳備目者一時不察共爲道聽塗說而附和之然要之  
去古遠矣何則孔氏讀易猶三絕韋編也達摩西來猶面壁  
者十八年而後折蘆東渡首傳宗旨也文不本之六籍以求  
聖人之道而顧沾沾焉淺心浮氣競爲拮据其間譬之剪綵  
而花其所謂炫燿熠燿者若或目眩而心掉而要之於古作  
者之旨或背而馳矣僕固妄謂明興以來二百年行且有韓  
歐者出風行海流大闡斯文也公得無爲之歛歔憤咽其間  
於以奮袂而橫戈者乎若僕則衰颯矣公所云云蓋不能不  
愧於心而鑷於衣帶者謹具書以謝外刻漢書鈔一百卷班  
孟堅所共太史旗鼓相當或得或失處抑稍爲鑄評其間其  
所橫加刪削者特人物表而下及元后王莽諸傳大都雜之  
以曹大家輩所附者耳倘及塵覽幸爲批示秋深以後木落  
霜飛終擬跨一驢走候公於牛首燕磯之間縮帶膝席而聽  
公所折衷者不知其肯許否

復陳五嶽方伯書

茅坤

中秋夜對月銜杯醉後榻管點竄六羨堂記數十字已而閱  
鉛山與新城李簿相繼移書過促業已復門下矣又二十餘  
日李簿之使再至蓋其家復於篋中獲公所刻陳氏家園記  
而併以手札投寄者也僕手而讀之竊疑公之園林於雲夢  
江山之勝互爲吞吐綽約處固屬無盡而公所於天地間目



得之而爲色耳得之而爲聲心神得之而塊北無垠處公往  
往憑欄倚几嘯傲乎其間而世之善文章嫻賦咏者並爲公  
鏡畫點次之矣僕平生覽古之善記佳山水柳子厚爲最雖  
奇峒如韓昌黎當讓一步已而移官南粵閒過永柳二州探  
其洞壑所誅茅而亭輦石而臺一切勝概猶疑柳子厚筆力  
不到也公家園林星羅齒錯於沔水遠近閒得無移僕所以  
唁柳子厚者而爲之太息其閒也乎僕哀矣不知天肯假之  
以年其及躡屣公之園林再爲摹畫一二否別論李中麓太  
常蓋僕釋褐時以文章交而最深者也兒緡之令章印業已  
移書叮嚀之太常之沒已二十餘年而無子其故所貯圖書  
沔陽州志卷十一藝文書

沔陽州志

卷十一藝文

書

八

古器已散而煢煢守殘業者特其繼嗣而已僕生平亟故知  
而兒緡於其父之執友亦往往事亡如事存承諭及敢復不  
盡欲言

議開泗港書

潛江人

歐陽東鳳

做縣江漢閒一澤國也上流澎湃下口壅塞水一入潛永無  
出路而泗港一河原爲宣洩故道適奉按臺批詞多在勘議  
尙無定論乃景陵士民遂從旁阻撓大都謂泗港淤塞多年  
一旦議開則永鎮之害未杜泗港之水又來走請就其言而  
爲景陵謀之夫景陵之害莫大於永鎮然必下流疏通吞納  
有地而後永鎮可築築亦可保若水口壅塞則萬里奔流之



水束於一縷之河洶湧衝決何所不至恐永鎮之害終無了期矣該縣士民知永鎮之害而怯於夫力之費遂置永鎮而專議泗港若曰永鎮之費既省而泗港之水不來則計莫便於此耳夫水必有所歸不來於景則往於潛矣景陵亦當平心設處我阻其來誰肯獨當其往乎况其來也不過以景陵應洩之上游還洩於原有之故道非潛江之水而以景陵爲壑也亦非先本無河而創議自今也又不過假道景陵以達於江非如潛江之入而不能出也來而有所洩卽來何害開而於永鎮有濟則開反爲利不急講於人已兩利經久可行之完策而謬執其損人自便苟安目前之頗論其於利害大

沔陽州志

卷十一藝文

書

九

小之際抑何恣恣也泗港自萬厯初年奉旨疏濬屢塞屢開河身依然船賈通行而詭稱淤塞多年以抹殺明旨此其咎不專在景陵蓋近港居民豪有力者以塞港而後京景穀船緣隄住泊賴以致富恐開則船隻徑行無由得利故璫炎方熾則倚大府爲崇璫勢稍衰則借景陵爲援多方鼓動百計旁撓景陵紳士居處遙遙不知該縣所關係政不在此故墮其術中而莫悟耳倣邑縉紳硜硜自守溪谷小民亦皆樸野遜懦本不欲妄有陳說但彼旣呶呶求勝義不得無言而處此伏祈老公祖轉行勘議疏排與曲防孰公孰私泗港去景陵與潛江孰遠孰近潛江北城一帶沿河街市有無崩塌而



土田與城池孰重孰輕開故道以自救與壅水口以病鄰孰是孰非潛江四面皆沔池與景陵半壁皆沃壤者孰苦孰樂從公分割力爲主持以解倒懸以息囂爭闔邑幸甚

又與兩院議開泗港書

潛江人 歐陽東鳳

嘗聞水無全利亦無全害通之則利塞之則害分受則利獨衝則害去而有所洩則利來而不能出則害故神禹先疏瀹而霸主禁曲防此利害得失之較也敝邑泗港離縣治纔二十餘里有古河一道分洩上流以達於江蓋水必由地中行而後勢無橫逆民免昏墊所從來舊矣曩者潛景之議嘗出於一故趙大中丞題請疏濬亦據景人鄧伸等之條陳原任

泗陽州志

卷十一 藝文書

十

兵科給事中劉鉉之疏議非專爲潛江而開也其後附港市豪有利於築口以停商船而私壟斷者夤緣大府持議開塞無何而曹尹開之已復塞而潘令更開其塞也實藉大府司校爲崇其開也亦由敝縣官民主持未聞景陵出一言阻之也三四年間豪民見大府虐焰稍衰遂改而倚景陵爲重復藉漢川爲援該縣士民墮其術中而潛景之議始歧而爲二矣然亦自知病鄰甘言俛求未嘗顯然詆潛江之爲非也至今日而是非愈淆囂競益甚潛江以塞爲病潛而景陵亦以開爲病景夫使水而果由潛以入景也則潛江何敢損人以自利然而水之經行自有故道也由承天而下一支通泗港



景陵一支從夜汭通縣西而通監利一支通蘆洲徑通潛江河道見存邑乘俱載今潛江既已自受蘆洲夜汭之水矣而應通景陵之水必欲障之以注於潛不知潛以景爲壑乎抑景以潛爲壑乎不知疏故道者爲病鄰乎抑曲防者爲病鄰乎何其不自反也又使果有利於景無損於潛也潛江亦何苦過分畛域浪費唇舌然而今之潛江非昔之潛江也十年前以前宜洩有路猶可代景受水今監利沔陽瀦水諸湖俱已淤塞一入於潛水無消除之期致今楊林中洲黃漢數十院田悉成沼閭殫爲河夫假道景陵以達大江景陵猶不肯受乃驅其來而有所洩之水以注於入而不能出之潛豈景陵

沔陽州志

卷十一藝文

土

田土有稅糧而潛江獨無稅糧乎景陵紳士有廬舍墳墓而潛江獨無廬舍墳墓乎何其不恕也泗港密邇縣治一隄橫亘水道迤直每逢夏秋水漲由蘆洲直衝北城迤東一帶逐年崩塌迫近城腳相去纔十餘丈耳年復一年不知將來作何景象田土爲輕城池爲重故潛江士民憂在眉睫乃景陵遠在百餘里外以由泗港迂迴達江亦借口衝城冀以聳聽何其不情也十年之內曹尹潘令目擊潛民困苦兩次旣開河身如故而日淤塞年久何其誕而無稽也頃者按臺謁陵道經做邑聯名控訴批縣查勘王令親操舩艫詳察水勢復稽考舊牘詢訪輿論從實具申批道覆勘正待議定通詳而



景陵士民遽爾張皇阻撓蓋景人言景潛人言潛令景者爲  
景令潛者爲潛此人情所必至無足爲怪若景人既越境以  
防川又先人以防口居已於利而嫁害於人則義所不出也  
況潛景同爲台憲賜履之地如天之無不覆如地之無不載  
何有軒輊雖以景陵之膚慙致煩憲牌然止禁居民之盜決  
不禁通國之公議則其一視之公痾瘵之念亦可觀矣鳳自  
忘葑菲粗陳梗概伏乞憲台委官查勘同一澤國也水自承  
天而來景陵何以不當分洩而潛江何以獨當並注同一赤  
子也景陵何以流水病鄰而潛江何以代鄰受病同一水也  
兩縣俱有近港田土涓滴入景陵既曰莫大之害而潛江何  
以獨有淤田之利相去百餘里之景陵既恐衝城而二十餘  
里之潛江何以獨無牖戶之憂如一語無驗鳳當與父老子  
弟同受斧鉞之誅臨啟不勝激切不勝惶恐

殉節前四日奉母書

劉興桓

敬稟者初五日劉玉到署接三弟及詠生來信驚悉慈體欠  
安聞信之餘寢食俱廢現已哀籲昊慈減兒壽算佑母平安  
并諄諭孫媳等好生奉侍隨時函慰兒迴憶數十年來除鄉  
會闈場及求名奔走稍離膝下外母子相依未忍一日相離  
乙巳歲兇筮仕南來恭奉板輿正冀薄奉承歡得伸定省詎  
料西省滋事江華告警不得已泣諭次孫夫婦侍奉北旋兒

沔陽州志

卷十一 藝文

書

三



孝養未伸親闈遠隔皆逆賊猖狂陷兒於不孝恨不能食賊  
之內上報 君親兒不孝作宰此間六更寒暑地方公事從  
不敢稍事廢弛錢糧年清年欸詞訟隨到隨辦只飲地方一  
杯水從未稍染苞苴此闔邑紳民所當共鑒不幸數年來始  
則因李沅發軍需招募練勇堵禦半年有餘尙獲安靜而心  
力已費不貲其賠累之項至今猶未領回彌補乃三十年冬  
突聞廣西逆匪倡亂戕官虐民地界毗連民心惶懼當卽奉  
文設防練募壯勇分築要隘亟力堵禦一時謠傳緊急誠恐  
竄入縣境擾害百姓兒晝夜奔馳心神交瘁兢兢兩載日費  
數十餘金張羅措付不敢稍懈雖地方百姓無不見憫見憐

沔陽州志

卷十一藝文

書

三

乃本府上司竟不見諒措餉不發任呼莫應傷心何極然當  
時所募壯勇不下八百名兒只詳報四百原以守土之官分  
應盡心民事不肯上糜 國帑嗚呼兒之此心彼蒼諒能鑒  
察夫何言哉四月底賊逼全州相距僅數百里兒一面督率  
紳民嚴密盤查一面添募壯勇諄諄勸誡百姓激勵士氣分  
段防守又復親赴各都揜斬土匪先除內患並將三弟及孫  
媳曾孫姪婦等囑令回家令將緊急情形不必上達慈耳自  
三弟起身後突聞道州於四月廿六日失守文武逃亡兒聞  
之且惕且恨守土之官 國恩民命何等重大而忍稍不盡  
心苟且偷生置之不顧耶隨卽加意防閑又簡民間精壯添



募鄉勇三百餘名分途住守兩月以來兇周歷國都痛哭誥  
誠血隨淚落此紳民所目覩者當有土匪游怡憇唐元章等  
在附城地方乘間滋事影射賊黨率眾焚掠兇立即親率差  
勇奮力往捕無如差勇均係平地之人懼賊威勢皆存觀望  
兇遂親向擒捉手刃示眾是以賊在道州月餘不敢正視江  
華但城內官兵僅只百餘漫無紀律各存去志聽其口氣一  
旦有事走字先橫意中兇屢請添兵百無一應雪片請餉本  
府不發每日鄉勇口糧約在百金以外昨日萬不得已擬將  
衣物等件轉向大戶質錢散放一番激勵各勇具有天良諒  
可暫時相隨不致散去但今日晨刻據探差回縣報稱逆匪

沔陽州志

卷十一藝文

書

古

偵知城內官兵無多鄉勇半堵隘口糧餉不繼窺伺倉穀未  
動尅期前來兇已飛稟請兵不知能否接應自顧城內兵心  
既不足恃守城鄉勇僅只數百一旦賊臨兇以怯懦書生獨  
立無援孤城困守從何抵禦兇惟拚一死以盡城亡與亡之  
大義言念及此心如寸裂兇不孝係守土之官倘若城亡何  
忍偷生務求勿復以兇爲念兇幼蒙母教讀聖賢書所爲何  
事今日上負 聖主高厚之恩又負我母如天之德我母年  
逾九旬尙幸康健兇設或半途而廢萬不可過於悲傷滋兇  
地下之戚兇雖萬死罪無可逃現惟有激勵民勇保全此城  
否則死爲厲鬼必當殺賊以伸此恨茲因劉玉返沔泣血稟



聞泥首家山稍言素志詠生叔姪不及另諭總須存好心做  
好人行好事發憤讀書安貧守分勿墜家聲孝養祖母謹守  
家範倘我死後趕緊南來收我骸骨所有措餉不援等事  
國家自有公論不須多言此書到後不必倉皇舉動此不過  
我一時立言主意審度賊勢恐倉猝之間不及函寄特將心  
跡聊表告知如果援兵大至糧餉充實此後母子一家尙可  
團聚另聽後信可也附此寄知倉卒心亂不盡欲言凡在親  
戚均祈代告劉九甫從此辭鄉里幸負君親矣

李漢源跋予總角時卽震先生名旋聞其見危受命愴然  
者久之丁亥春校理州志先生次孫暢九手先生奉母原  
書示予墨蹟如新血淚滿紙凜然有生氣古人云慷慨赴  
死易從容就義難先生應變從容預辦一死以報君親詞

沔陽州志卷十一藝文

書考

五

意婉摯周詳良由仁孝之性忠貞之操蓄積者素故臨大  
節而不可奪足與文文山楊椒山諸公訣別家書同垂不  
朽矣彼齷齪偷生者視此能無汗顏  
哉予反覆斯篇恒歔歔流涕不置云

孔子生卒年月日考

張錫穀

考云公穀二傳謂孔子生於魯襄公二十一年己酉其月公  
羊書十一月其日二傳皆書庚子考是年冬十月庚辰朔則  
庚子爲十月二十一日卽今夏正八月二十一日也史記世  
家謂孔子生於魯襄公二十二年庚戌考孔氏家譜年譜世  
表素王世紀生年均與史紀同因學紀聞黃氏太冲以歷上  
推斷爲襄公二十二年建酉之月二十七日庚子生與羅泌  
路史合卽今八月二十七日也主穀梁者宋氏濂江氏永主



史記及困學紀聞路史者鄭氏環江氏駁金仁山以襄公二十一年九月十日日再食必非生聖人之年爲不知歷法據云合朔當交而食須隔五六月春秋漢初有比食者皆史記之誤未可以是斷聖人之生年鄭氏駁江說曰隔五六月食者天之常連月比食者天之變春秋之季變之中又有變焉漢初史官書比食或未足據春秋乃夫子所修豈聖人亦不知歷法耶因謂生年當從史記月日則名從公羊實從穀梁蓋周十月夏之八月也八月二十七日已交朔氣故公羊作十一月庚子若穀梁作十月庚子則以月數言二傳雖異實同至孔子之卒春秋傳書哀公十六年夏四月已丑杜預曰沔陽州志卷十一藝文考

共

四月十八日乙丑無已丑已丑乃五月十二日日月必有誤宋濂曰已與乙文相近故誤書鄭環孔子世家考云江氏永駁杜註謂魯歷與衛歷不同是也謂魯歷前年不置閏故此年正月有已卯正月既有已卯故四月已卯朔十一日爲已丑則誤矣魯歷非不置閏但衛用殷正魯用周正故衛之閏十二月爲魯之正月所以序蒯瞶事於十五年閏十二月江氏謂已丑爲四月十一日今考定以杜註四月十八日爲正周正四月夏之二月卽今二月十八日也

滄浪考

張錫穀

禹貢嶧冢導漾東流爲漢又東爲滄浪之水過三澨至於大



別按林氏据南都賦注流滄浪而為隍引左傳漢水以為池  
知滄浪即漢水蓋漢水至楚地則名滄浪之水也易氏据水  
經注謂漢水至均州武當縣西北水中有滄浪洲又名滄浪  
水按水經夏水又東至江夏雲杜縣入於沔注云鄭元注尙  
書滄浪之水言今謂之夏水來同故世變名焉劉澂之永初  
山水記云古文以為滄浪漁父所歌也因此言之水應由沔  
胡氏渭禹貢錐指云滄浪者漢水之色非因洲而得名李白  
襄陽歌云遙觀漢水鴨頭綠正所謂滄浪也又云余按禹貢  
言導漾水東流為漢又東為滄浪之水不言過而言為者明  
非他水所入蔡傳云水之經歷隨地得名謂為者明非他水也蓋漢沔而下有滄浪

沔陽州志

卷十一 藝文

考

七

之通稱纏絡鄔都

宜城亦有滄浪亭

地連紀郢咸楚都矣又云自均

州以至漢陽皆名滄浪之水今考滄浪之水羣書異說其一  
史記索隱云馬融鄭元皆以滄浪為夏水即漢水別流漁父  
所歌是也其一史記正義引括地志云均州武當縣有滄浪  
水即滄浪洲明一統志据之其一地記水出荆山東南流不言所  
在其一明一統志云沔陽州北有滄浪水即禹貢滄浪屈原  
逢漁父處余按襄陽府志据水經注載均州北有滄浪洲漢  
水於此停滙淵寂非盛夏泛漲莫不澄鮮蠲潔馬鄭二氏既  
指滄浪為夏水林氏又指為漢水是漢水即夏水也夏流冬  
竭其色蒼然故胡氏謂滄浪者漢水之色證以易震為蒼筤



竹取其色青則知水名滄浪亦取其色碧而劉濩之山水記謂滄浪在沔口沔與漢異名同實天門色鄰沔陽距漢陽亦不遠信乎胡氏之說自均州至漢陽皆滄浪之水何得泥滄浪一洲謂水僅在均州而疑沔陽之滄浪里天門之滄浪亭皆好事者附會爲之乎至湖南龍陽縣之滄浪水以滄山浪山相合得名去大別山絕遠明一統志指爲孺子歌濯纓處亦未是何也禹貢滄浪之水止繫荊州不更屬兗州且孔子嘗至楚矣萍實之謠既識之滄浪之歌當亦聽之其遇孺子或在均州或在沔陽天門必求其地以實之則鑿矣

崇表叔尙書傅公文

陳文燭

沔陽州志

卷十一藝文

考文

六

嗟嗟吾叔果真已耶非耶又果葬耶今人兄弟斗粟尺布有難容者吾叔於家大人何驩也古今竹林惟高阮氏耳況中表乎吾叔於賤兄弟何愛也憶燭兒時輒謂家大人曰紹武有奇氣蓋呼小字也冠而字余稱必呼名有父道焉一日同友人陳子壽走謁于叔授以川中學約且曰兩人它日當爲此官二十年後而不肖繼之且在蜀也薦於當塗內舉不避愧所受者未能永前修耳計聞之日爲位而哭天子哀悼遣官祭葬獨易名之典尙缺後必有追補之者吾叔少年高科德器文章金輝玉潤仁及閭巷待而舉火往尹廬陵年才二十後翁公繼之並垂遺愛至今有老翁少婦之謠及官考功



兩司察典黜陟幽明張文邦學士呼為真吏部使究其用則  
湘陰忠靖華容忠宣鼎足而立乃遭讒歸田十年再起用亦  
晚也斯蒼生之憾與若位極人臣澤被賢嗣生順沒榮則二  
百年來郡中罕有者吾叔又何憾焉千里寄奠一言一淚吾  
叔其聽之

祭王池州文

陳文燭

嗚乎觀生池陽太守齊山泛舟促膝而語憶昔先兄膠漆並  
偶小子結盟爾汝雁序登第後先長安逆旅誓竭清修共報  
明主司諫南垣九鼎大呂補闕拾遺黃扉再覩惠政清風留  
於秋浦卓矣循良上薄龔魯雅志翩翩無意溫飽臨絕之辭  
沔陽州志卷十一藝文文  
自謂冲舉九華旄旄痛若父母先兄既亡長公亦故朞月之  
閒零落如雨造化小兒胡爾相苦家君貽書埋玉江許平生  
知交留滯京口臨風一哀邈焉千古炊以彫胡觴以清醕

陳憲卿先生墓誌銘

興國州人 吳國倫

陳公諱柏字憲卿沔陽州人世居江北村自高伯祖勛起家  
仕至青州府大守弟曰勉以輸粟助賑事聞朝廷義而旌之  
沔人因稱義民陳氏義民公生高年公廷器高年公有子四  
人而承德公泮最少也與其配吳太安人並有隱德而善經  
營其家語在廣陵李少傅所為誌中太安人以正德丙寅六  
月十三日生憲卿憲卿自少丰儀端秀慧悟絕羣承德公授



之書一過成誦六歲時郡守徐咸以勸農入村見憲卿羣兒中大奇之願謂其宗老曰是兒國器若家青州君少遜之矣年十二郡守李濂識之喜曰何意守沔一日得雙壁蓋謂憲卿與童士疇云士疇既登第爲太史憲卿始娶任恭人恭人儒家女善承承德公太安人意而力翼憲卿爲儒憲卿蓋又與其外弟傅司徒同志相砥礪遂以經術齊名而陳太淑人者憲卿之姑傅司徒之母也初太淑人子憲卿無異子司徒居恆懲憲之吾兩家世緒必大固待兩兒兒其圖勉之未幾憲卿舉戊子司徒舉辛卯里人無不稱太淑人知子矣嘉靖庚寅憲卿入南太學乙未下第又入北太學時童傅兩公與沔陽州志

卷十一 藝文

墓誌銘

三

茶陵張文毅公同官京師閒攜憲卿登海印寺閣憲卿卽席賦鏡光篇成諸公爲之擊節歎賞憲卿由是負大雅名辛丑下第病卧慈恩寺閒取佛經讀之忽忽有悟而知聖人爲必可師因謁程詹事鄒祭酒教學士尹都諫相與究陽明先生致良知之學甲辰丁未又兩下第而志不少休或勸之仕弗應歸而管蘇阡偶阡中有合抱之木枯而復生者憲卿有感焉豈人心不山木若哉因易其別號曰蘇山蓋憲卿故號大蒙易之謂由蒙而蘇也庚戌舉進士觀大司空政是秋北口入寇京城戒嚴憲卿以薦從王少宰行城已又監造戰車弓矢諸器具皆立辦寇退少宰薦憲卿廢事習軍情且推擇用



之屬其冬太安人來就養不任苦寒卽憲卿又時時念承德公計欲請告未有閒會肅皇帝悼張文毅之薨詔司空遣官爲起家司空議以憲卿行辛亥憲卿旣銜命襄其師文毅公事因得扶持太安人取道歸爲承德公壽未數日承德公下世人言憲卿歸自數千里外及奉承德公訣蓋天也向之急省覲而無意待次也豈偶然哉憲卿居喪始終情極哀禮極易越甲寅除服如京師受職方主事時永豐聶公爲大司馬得憲卿如增一右臂顧憲卿迎刃諸兵事猶以餘力與其同年友高伯宗李師孟徐子與及不佞國倫相過從爲風雅之會丁巳考職方績奉敕贈承德公如憲卿官母吳妻任俱封

沔陽州志

卷十一 藝文

墓誌銘

三

安人是秋遷署員外郎戊午擢武庫郎中會蒲坂楊司馬復起謂南北多警請得調陳郎爲職方詔許之其秋仲子文燭舉於鄉比肅皇帝自庚戌以後日綜核兵政操下益急每壽度諸邊計一不效卽惶恐待罪莫知所稅駕而分宜父子方盜柄擅威福卽司馬持一議置一帥必先造請而後可不爾禍且立至憲卿適當其難也然每陽順指而退復自伸其意如海賊汪直葉宗滿寇吳粵數年始俘至京師分宜入其重賂將議釋憲卿力持以爲非法竟論磔死於市分宜銜之後楊司馬行邊而以左司馬江攝部事江故推魯少文遇警輒索息不能措一畫憲卿於諸路奏報朝至而夕覆無不當上



意江每心憚焉後江以他事鞭一司吏死憲卿謝曰吏無罪而死其罪在郎江於是有慙色而日懾憲卿矣胡司馬宗憲總戎吳粵師久無功上遣羅給事嘉賓龐御史尙鵬往按之還奏宗憲參寇要功二大罪分宜父子惡非其指也以示憲卿曰職方見兩豎子疏耶何不解事乃爾憲卿正色對曰胡誠才卽東南一日非胡不可然老師費財掩敗劔以自功則有如言官言分宜大怒會上詔集羣臣廷議羣臣率以臨敵易將爲難下司馬議報憲卿遽草報疏曰掩瑕錄瑜以冀後效者聖人使過之仁也據事直言以謹不恪者人臣奉法之義也上因直言官言姑令宗憲待罪行聞是時覽者無不爲

沔陽州志

卷十一 藝文

墓誌銘

三

憲股慄已未冬上以秋防無虞賜鏹金勞憲卿故事職方再防秋得晉內卿獨憲卿爲分宜格弗與庚申春出補山西按察副使兵備井陘後同年張肖甫爲憲卿敘其職方疏草有言楚有兩職方華容位上卿沔州淹晉臬有幸有不幸耳肖甫知言哉憲卿居井陘數月嘗提兵曲陽遇倒馬關申令守蜚狐諸隘是年賊擁眾寇雲中不能深入旋遁去憲卿乃得休馬息士謁朱延昭父子廟摩挲挿箭祭刀曝甲諸石因作忠節廟碑讀之其氣足以吞山河已還過涿鹿遇旱憲卿憫焉旣發倉粟賑飢又自登壇禱雨雨三日父老以爲神應因作喜雨軒記記之無何聞太安人訃痛絕仆地井陘人亦遮



道泣焉比歸甫葬太安人而任恭人又下世憲卿哭之慟曰  
天子何垂老奪吾益友乎癸亥除服當復如京師補按察而  
憲卿業已倦遊不治裝會京考坐職方時浮議當左官蓋左  
司馬中之也憲卿聞而歎曰以吾爲職方奉法忤權貴人曾  
不知死所安知有官今得竊藉爲柴桑翁幸矣遂自高卧不  
出己丑仲子登進士憲卿尋建閣於宅西歲時讀書其中謝  
絕諸賓客獨傅司徒徑入爲花月之飲甚歡隆慶戊辰仲子  
以廷尉評考績詔復憲卿官致仕憲卿大治具延里中長老  
由七十至百歲者幾百人爲高年會四座皆龐眉皓首觀者  
無不散豔甲戌仲子以淮陽太守考績加封任安人爲恭人

沔陽州志

卷十一 藝文

墓誌銘

三

仲子尋擢四川督學副使戊寅晉山東參政督漕務是年伯  
子文燮以國子生授光祿監事無何監事暴卒且天其二孤  
憲卿傷之日戚戚然憊矣自己卯屏居退樂軒喜閱晁文元  
所著迦談因悟解纏縛驅障礙其本在知仁勇是禪家宗釋  
迦猶吾儒宗孔子也自是不復操翰爲文庚辰三月念四日  
忽無疾而逝得年七十有五逝之前二日猶能招友人賞牡  
丹其夕遽令家僮視殮具曰吾將辭逆旅往徐舉手足示人  
庶幾全歸君子哉蓋憲卿生平磊落剛直喜揚人之善而亦  
不欲浮譽人又廉於財而樂施其所嘗施惟恐見德居家躬  
行孝友而遇外戚故人率過厚其伯兄杞仲兄松皆客死而



憲卿哭之過哀已並歸其櫬厚葬之嘗爲恭人表任公鳳墓而子其孤孫其孫女裝送馬少與郡人馬孟遠孟良李天恩友善二馬蚤世憲卿旣厚恤其家又爲兩名士表碣於墓其後李公死又爲文哭而贈馬所至文房諸器皆勒銘以自警而訓其兩子諸孫更嚴所著有五經錄沔陽人物考藏於家而詩若文凡數十卷參政業已彙爲全集南充陳少傅蒲坂張少保序之傳矣子男二人長卽監事文燮娶謝處士警女次卽參政文燭娶童興術承祥女封恭人孫男四人汝堪娶賀守備襄女繼孫氏汝佳娶王給事頤女汝璧娶張別駕柏女俱文燮出並爲諸生堪佳先卒汝圭國子生文燭出聘歐

沔陽州志

卷十一 藝文

墓誌銘

十四

副憲柏女孫女三人其一文燮出適庠生童行先其二文燭出長聘費舉人得智子次聘傅參軍作霖子吳國倫曰庚戌之歲楚人同憲卿釋褐者十六人而推憲卿爲祭酒非獨長其齒云蓋憲卿之執禮而恭也愛人而能規也多聞識而不自賢也吾屬皆嚴事之至與予抵掌談藝則沾沾稱知已矣顧其志在用世一試於職方再試於井陘遂激而自罷不復出人深惜之乃所遺於參政君者皆長世具也何論文章大業哉參政君將以某日月葬憲卿於故所營蘇阡先期使使乞誌於余予故誌其大者而系以銘銘曰鬱鬱蘇阡有木參天枯而復榮孰紀其年以蔭以殖以宅名賢名賢維何太邱



之裔質而其文表於弈世勒爾貞珉用俟千禩

明故中順大夫山東青州府知府陳公墓表

陳文燭

中順公沒百五十年矣先中議公欲表其墓命小子屬草二十年來奔走南北今中議公地下而中順公墓石尙虛又諸父諸兄弟勉終其事憶中議公言不禁泣下也敢誌其大後人拜墓下想見其爲人中順公諱勛字功懋彥昇公之長子也生而長身玉立雙瞳炯炯如電大異凡兒穎記絕人目數行下年二十四以書經舉永樂庚子鄉試時徐璘李琮號里中三俊乃才望獨推轂焉公屢試不第宣德二年謁選吏部

河陽州志

卷十一 藝文

墓表

三

大冢宰試其文第一授本部司務公在部久風采凝峻傾動縉紳雅善品鑒裨於用舍海內賢豪如楊文定公溥劉文安公定之錢文肅公習禮皆折節下之所題歲寒壽星九老諸圖墨尙新也九載考績出守青州府青州古北海郡地瘠而民悍公加意拊循教民孝弟力田每行縣省耕繪爲勸農圖興學造士人文丕振詳在修學碑中未幾患足疾疏乞骸骨上許之得致仕年纔四十餘耳優游林下三十餘年建危樓於古城塢下中藏古書名畫頗多匾曰望京自謂老不忘君也與其弟義民公爲詩酒之會歲饑發粟以賑宗族鄉黨賴焉年七十有三郡周湘官青州學聞有謠曰去陳府百姓苦



長老咸稱說陳公不置云至孝友忠信尤見重於鄉里間中  
有藏公吏部時所寄書中云區區徘徊郎署甄別之道深有  
愧焉帙寬寸許楮幾殘而什襲珍之公下世百年矣海岱江  
漢之人口碑若此彼舞智御人與武斷鄉曲言道德者溺其  
職矣誰其思哉往童太史公承敘作郡志未立公傳後中議  
公得題名童公謂賢子孫有光祖宗他日當續公傳以補盛  
事尙書傳公吏湖廣通志傳公鄉遺芳餘烈與天壤俱可以  
觀公之大矣公墓在江北古城卽公宅後子孫世居焉文太  
恭人有賢行與公合葬傍三塚蓋側室云曾孫文燭曰往守  
淮安山人郭第攜青州府志共讀之述青人馮學使惟訥少  
河陽州志

卷十一 藝文

墓表  
墓誌銘

三

府惟敏道公循吏之政埒龔黃及燭督漕入山東二馮之言  
不虛乃山人會葬中議公問公墓而遺碣適成請填其諱願  
世世愛護哉

四川威遠知縣蕭君墓誌銘

陳文燭

威遠令蓋不佞故交云往從遊先按察公與先兄光祿也在  
師友間而不佞少威遠君二十餘歲威遠君畏友視之後不  
佞督學入蜀時威遠君訓綿州轉諭崇甯縣故事學使歲試  
高下其教蜀余兩試首威遠君入覲之年故事學使殿最教  
屬聞於銓曹以爲黜陟余又首威遠君自是威遠君名赫赫  
三巴矣威遠君坦直無他腸風流自命暑年屈首誦詩補州



學生以肅皇帝龍飛改補府學生今封工部尙書曾公藩撫  
貴州都御史劉公庠與威遠爲文社屢試不第表叔戶部尙  
書傅公頤與先公開郭南社威遠君相從於風浴借山亭榭  
閒嘲詠花鳥以高陽生自許閒一放歌座上盡傾貴交而不  
諂善謔而不虐竟酒而不亂真長者云至教綿州崇甯每歎  
曰士之從化若泥在鈞也先德行而後文藝爭相砥礪發爲  
詩篇多唐人格律及令威遠威遠在川南道民悍而難治威  
遠君曰雷電百里縣令象之奈何負郎官也於是鋤豪強招  
流亡平稅定役戴星出入偶諸生帷簿不修者繩之以法稍  
稍謗起又狀昂昂少訕上官多目皮相又貴耳坐威遠君落

沔陽州志

卷十一藝文

墓誌銘

七

職威遠君故倦游一夕暴卒人言死且異不佞謂威遠君素  
達政事非未能操刀而製錦者奈何有是人言僞耳生正德  
壬申十二月十五日卒萬曆辛巳十月二十六日春秋七十  
矣威遠君諱翀字凌翰號漸山先世蘇州吳江人其始祖某  
從高皇帝功授沔陽衛百戶祖某征廣西功陞指揮僉事父  
處士鳳以財雄郡中男子五入學官者四而威遠君其長也  
遺言葬我處士公旁在張家院威遠君始配繆孺人子如龍  
如光繆葬他處繼王孺人子如玉郡學生如玉少俊有文不  
佞門下士泣而請銘銘曰蜀道難而易江漢廣而帶師牧之  
名永不替威遠之藏千萬世



明故山東道監察御史胡公墓誌銘

陳文燭

侍御公沒五十年矣其子維孝向燭泣曰幸吾子銘先公墓憶曩年時聘公仲女女卒而公慟無何公亦卒公之諸子又卒今尙使余潸然承睫也顧知公生平十闕八九此何以稱焉敢述而納諸壙俾後有知公者按公諱彥字穉美世居江夏近太白湖自稱白湖子始祖受官沔陽衛千戶蓋從高皇帝中起云數傳而有紀始紀生公時宋孺人夢日月墮於懷公孱弱不盈掌啼聲如鐘稍長貌癯然玉立風儀秀朗讀古文尙書等書輒能誦善屬文長老異之且占前夢爲文明兆也咸謂能大胡氏者正德丙子張公邦奇愛其文補諸生里

沔陽州志

卷十一藝文

墓誌銘

天

中有時庵任先生者識賞少俊每見公文卽夜半燒燈讀鼓掌大呼曰胡生胡生奇甚矣公與馬兩生家大夫結文社歲戊子許公宗魯又愛其文言吾自關中來此僅見者其年以尙書魁楚家大人亦偕舉乃兩生竟不第後四上春官而母宋孺人卒哀毀愈骨立辛丑舉進士高等授太常寺博士公職典冊祝至上前書御名拜稽伏地上命中貴人扶出是時上步祀猶親出郊故榮遇如此越三載選山東道監察御史視南城事往中貴人多以私干御史獨不干公公上書陳國家便宜數策其一則議建太子云海內纓綉紳佩之士景附響和矣乙巳秋視陝西茶馬革積習如洗著茶馬者若干卷



許公里居題其書敘之中云曩奇胡子才是書特一班耳許公文雄關中亦以此多公戊申考最封父爲御史奉命視江西江西交吾楚號巨省公甫臨諸吏鰥鰥畏凡脂膏自潤與鷹擊毛摯者解印綬去有司索得部內豪猾公曰奈何并當時之文罔乎抵誅不少貲又鄱陽贛城間盜多歛避無揚竿山澤者已酉當校士公與劾諸司額天以從事不解衣者旬日品諸士文及錄入式者多出公手有一教官中諸司白於公公曰吾廉其才耳此何避竟中斯人余同年蕭君廩張君秩皆公所取士道公頗詳焉庚戌秋宅繼母孺人憂明年公逝矣嗚呼公磊落感慨負才人也通曉國家機務邊圉要害

沔陽州志

卷十一藝文

墓誌銘

完

人才淑慝民生休戚每振手而談斷斷如也所過輒下車周詢埋輪攬轡皆呼公爲名御史公視台衡如取寄耳乃未竟卒何哉往醫問公病公諱不言及死不言身後事意嘗墨墨者假令公不死必擅功名上驂古人矣今蓋有蒼生之憾云公生弘治壬戌年十月十一日卒嘉靖辛亥年五月十八日葬癸丑年正月七日墓在江北小河口年五十耳配劉氏封孺人子四維坦娶邱氏維翰娶馬氏維甯娶楊氏皆天絕維孝國子生蓋公官博士時生京師者娶王氏女一適童太史子燭旣撰公行而系以銘銘曰才華繡口彈疏鐵肝公居柱下惠文峩冠多士甄拔黔黎乂安公過彭蠡大振羽翰江城



慈鬱漢水彌漫公藏窀穸令名其完

參軍公墓誌銘

費尙伊

外父張翰諱伯文字志翰小山其別號世爲沔后豐里人張公竹溪其父也配於李生翁家故千金產爲諸生不售乃翰粟入太學謁選領四川夔州府知事五年政最轉本府幕事翁旣敏練足吏材又雅持廉不私郡邑長吏缺當路輒檄翁視其篆歷巫雲開太無不誦翁長者未幾投劾以歸先是翁少娶於胡次童次李次莊俱天死無嗣已娶於馮於史俱先翁五年卒馮生子默少不慧翁廣爲布施以冀冥報史孺人卒有子熙翁慷慨多大節三舉大賓足不履城市家儲萬卷

沔陽州志

卷十一藝文

墓誌銘

三

書坐誦行吟作詩望杜陵堂奧復好弈且善飲操家政嚴若朝典此其生平大較也大都公篤行似西河居鄉見憚似王彥方解綬似陶彭澤聚而能散似鴟夷子皮搆書能讀似皇甫元宴生平所覩記於翁者如此翁生於嘉靖乙酉年二月初八日卒萬曆壬寅四月二十九日壽七十八歲以本年十月十八日葬於唐公畝祖塋之右爲長坤向翁有子二長默娶徐氏次熙聘武陵龍計部膺女孫男三若果若盤若良默出女二長李孺人出次馮孺人出並爲余妻銘曰黃蓬之下厥有隱林隱者爲誰唯翁素心叱馭入官挂冠歸里載耕載漁旣完且美寒者待衣饑者待哺冥報昭昭明珠晚吐生樂



林阿死返真宅子治其阡婿表其石翁則冰清余非玉潤萬  
歲千秋其言匪佞

國朝 封中書舍人句山張公墓誌銘

直隸湘鄉人 魏喬介

公諱金龍字礪汝號句山本江南巨容大族也六世祖諱奎  
者由孝廉宦楚北流寓於沔因家焉及其曾祖文翰公隱德  
仁心惠及鄉閭至其王父五美公負性豪邁輕財好施孤寒  
待以舉火者甚眾延至厥考承圭公潛修力學不事生產家  
業拓落生子五人公其次也承圭公感異疾公侍立左右衣  
不解帶迨病篤延醫祈禱百計無效剖股調羹病以漸愈延  
壽三載遠邇稱頌咸以為真孝子及承圭公卒公泣血水漿

沔陽州志卷十一藝文

墓誌銘

三

不人口戚里咸勸慰乃不至滅性云棺槨衣衾窀穸之事竭  
力盡誠不留餘憾弟三人皆在襁褓中公長養教誨婚娶成  
立而後析箸也學龍列名膠庠尤有名譽未遂飛鳴其卒也  
公痛惜之伯兄性慤急公事之恭順弗懈友愛無間幼讀書  
敏慧淹貫經史得其肯綮為文挽筆立就暑齡入黌宮食餼  
絳帳談經遠邇之士多負笈從遊焉凡七八棘闈屢中副車  
不獲正額然不以得失榮懷也庚子歲薦值 今上龍飛改  
歲為恩壬寅入國雍見賞於上成瑤山張公每試冠多士  
考授一職不欲以明經終已酉試楚闈仍不利公於是喟然  
歎曰余於舉業揣摩備極苦心矣試之不利余無如命何心



之不動命其如予何乃耽飫於詩學枕藉李杜沈酣騷雅鍾  
譚之選亦兼收而並采焉爲古文詞以左馬爲師手不停披  
口不停吟以爲平生之所好在是焉課子尤惓惓午夜篝燈  
與共寢食之溢鄉會試皆以第五魁春秋之滙博士弟子亦  
非池中物也之溢復以文與書高等考授中書舍人西清載  
筆黻黼皇猷遇覃封封公如其官元配劉封孺人顯親揚名  
則公義方之教著矣先是之溢告余家嚴廷試過上谷讀夫  
子忠烈碑銘未嘗不泣下沾衣也曰此文同金石不朽安得  
登堂一見先生大慰平生乎余唯唯心竊識之今春之溢踵  
門而泣持狀以請余慕延陵掛劍之義遂弗獲以弁鄙辭乃  
河陽州志卷十一藝文墓誌銘

河陽州志卷十一藝文

墓誌銘

三

卽其狀而敘次之大約公性耿直言行務合於理無所瞻顧  
見鄉里間有爲不善者深嫉之見於顏色人或謂其惡惡太  
嚴公不爲意甚至爲不悅者雀鼠公虛舟遇之至於親友有  
急難則如拯溺救焚不惜貲財郡有大利害必約眾公舉因  
革得宜士人以爲儀型標準而已未嘗有德色也淡泊自守  
食不膏粱衣不羅綺督農課子以是爲常每樂鄉居怡情物  
外而勤儉所積家道亦漸充裕復祖業又善攝生不事呼吸  
吐納精神強健如少壯人乙卯之秋偶冒風寒漸至不起遂  
卒寄詩京邸云作書筆欲癡不得見兒時樹靜風將折陳情  
恐已遲勉以忠孝可謂居喪以禮也哀哉銘曰大隱有林小



隱有林煙雨樓中抱膝長吟滄浪之水白石岑岑彼其之子  
錫類情深授經名世攄藻獻琛抱璞未遇氣峻千尋沔水不  
竭達於漢陰後昆永蔭玉樹森森

吏部主事清和縣知縣周公徵齋墓表 劉柏才

公諱文焯字燦共號徵齋姓周氏世居沔之江北里舉雍正  
癸卯鄉試乙卯成進士由吏部清吏司主事出宰江南淮安  
府清河縣調甯國府涇縣尋被劾改教授不就歸二年卒公  
之落職也以賑濟案吏議坐賠償然予聞公始居鄉時嘗拾  
驚女者遺金坐待其人還之解組後出無輿馬衣履儉陋有  
寒士所不堪者則非貪以敗官瘠民自肥者可知其獲譴也

沔陽州志 卷十一 藝文 墓誌銘

三

非胥吏之蠹蝕卽同官之牽連而坐使良吏不得安乎其位  
而竟其志惜哉公生於康熙十七年某月某日卒於乾隆十  
八年某月某日葬本州某山之陽祖志魁邑庠生父一化康  
熙己酉科舉人湖南臨湘縣教諭皆以公貴贈承德郎娶某  
氏子某邑庠生孫三人曾孫三人自公之卒家益落再傳後  
尤貧乏不能自存公之卒也三子皆遠出絕音問且十餘年  
而視含殮公之族曾孫庠生鯤予門人也爲經紀其喪  
拊扎公遺跡乞予表其墓予叩公生平蓋謹厚長者也居官  
清慎訓民詩若干首諳諳然有古遺愛風後世何遽式微若  
此抑古來積善餘慶或發迹異地閱數世然後應異日者有



冠蓋而來求先人邱墓於老木寒雲間必公之苗裔也爰爲撮其大要俾後起者有考焉

蓮瀉先生墓誌銘

陸建瀛

先生姓張氏諱錫穀字秋原號蓮瀉晚號聯陶明南直隸句容縣舉人諱奎公令楚江夏改沔陽學正遂占籍沔陽曾大父庸齋公拔貢生甯鄉教諭大父退菴公恩貢生候選教諭庚辰恩科舉人益齋公其考也益齋公故楚名宿壬辰赴禮部試中途墜車傷股得腰痛疾遂絕意仕進願時時以不得封父母爲念先生少穎悟讀書日寸許比長爲名諸生戊申舉於鄉明年成進士應殿試初擬第三人爲故相和珅所抑

沔陽州志

卷十一藝文

墓誌銘

三

列第九進呈朝考

欽命論題先生獨解所出將謄真同年

某勸改從眾竟不選以知縣歸部銓自是先生已淡於進取矣獨以先人請封之願未酬越十年謁選吏部揀發黔省歷署下江廳通判都勻印江夔安黃平等州縣印江之謠曰爲官不愛錢百姓得安眠將之夔安印人遮道留復治印創近奎書院他郡及鄰省之酉陽秀山皆來學黃平故繁劇先生至屢雪奇冤民呼青天充庚申辛酉甲子丁卯貴州鄉試同考官薦拔多知名士時有張五元之號五元者辛酉翟君錦觀庚申尹君作霖丁卯黃君憲中戊辰周君澍庚午張君日最並所首拔與受業士也未幾中於讒有運鉛之檄先生乃



請贈父母貤贈大父母如其官引疾歸先是辛亥壬子主講  
沔陽之聚奎書院成就多材既歸自黔仍主講席及門日益  
眾其教主於敦行誼勵名節嘗揭行已有恥語爲學者痛下  
鍼砭而要之於言忠信行篤敬卽文藝亦必出入經史古文  
大家爲有物之言與人必反覆其本末聽者豁然而後已見  
人一善汲汲然如恐不自諸口沔陽自前明州主許惠一斷  
仁風門外來脉跨橋蓮花沼上科名久不振乾隆間署州事  
尹良鼎又於西門外建武侯讀書臺乃益凋敝先生請於有  
司塞橋竇毀台爲祠兩役並興會連雋數人其他裨益族黨  
者多類是先生以道光十年某月某日卒年八十嗚呼先生

沔陽州志

卷十一藝文

墓誌銘

三

遭時極盛又躬壽考使當時不見擯權相致身通顯出其道  
德文章彌贊元化主持風教當不在韓文懿諸公下卽不然  
得一邑治之且久治之不爲謠諑者所擠亦庶幾農桑學校  
次第就理饜黔人之所願欲豈徒博誥封慰先志哉嗚呼其  
可悲也已著有雀硯齋詩文集六卷天門志志館叢書三卷  
行世黔憶草後二編律導一卷賦導一卷配嚴孺人繼配劉  
孺人先卒子三長鴻硯次鴻撰州庠生季鴻卿孫八人十一  
年二月某日卜葬於直步里嶺南院銘曰堅乎其不磨乎瑩  
乎其不滓乎出無枉於己乎處有德於里乎自天薦祉乎於  
先生之子我銘止此乎爰慨慕其無已



兩江總督陸公神道碑銘

王柏心

昔在 宣宗時天下方鎮大臣以才聞者首沔陽陸公所經畫軍國大計旋至立有效晚節不幸適遭阨屯摯單師與凶豺怒狒搏戰不勝退而修守又不固繼之以死其於臣節無虧矣言者不察交章重劾賴 先帝聖明不加 震怒還其故秩與所籍入公之誣稍稍白矣獨恨才不及展未能以身作東南長城爲 君父分憂公之誣雖白公之心終無由慰也悲夫同治三年夏金陵平公之孤鍾海乃匍匐往求公骸得之刃傷如刻畫見者泣然爵相湘鄉曾公上其事鍾海扶櫬歸葬以碑銘來請謹序而銘之公姓陸氏諱建瀛字立夫

沔陽州志

卷十一藝文

神道碑銘

三

沔陽州人系出有元色目世居大都呂城有弈公者至元時官沔陽府同知家於南鄉沙口後乃遷州城之漕河明以來仕宦文學承其家曾祖之屏州庠生祖定陞太學生考正經歲貢生碩德潛光世所稱訓翁先生者也選授鄖陽府學訓導年逾八秩乃終三世皆以公貴 誥贈光祿大夫公兄弟四於次居二資稟絕人承過庭之訓屬文敏瞻弱冠補弟子員第一鮑覺生先生亟賞之嘉慶丙子舉於鄉道光壬午捷南宮改庶吉士散館授編修其充職也則國史館協修文淵閣校理本衙門撰文國史館總纂己丑壬辰兩充會試同考官充教習庶吉士者三儼直南書房及上書房咸安宮總裁



其出使也則典試雲南中道聞計歸典試山東得士最盛其遷除於內則自右贊善右中允兼日講起居注官大考

欽取二等擢侍講轉侍讀其敷歷於外則自直隸天津道

賞加按察使銜旋拜真除遷直隸布政使奉命巡撫雲南

江蘇晉授兩江總督久之頒給欽差大臣關防

賞給頭品頂戴公英邁豁達開濟自許慕江陵相之爲人於近代雅重百文敏陶文毅獎許氣類浩浩無不容納遇大舉措則擔荷裁決引爲已任智慮明練沈速果斷非浮詞所能動津門防海識者已躋之及督兩江萃鹽漕河三大政於一身又值疲敝已極毅然爲天家籌久遠至計忠概激昂聞

沔陽州志卷十一藝文

神道碑銘

三

阻撓者持異論輒盛氣排之故叢怨取忌末路卒爲積毀所中道光時島夷突犯津門公議扼大沽海口馳往相度營礮臺造戰艦徵集兵勇列隊嚴整因編保甲杜兇奸夷望而憚之駛船遁三吳困於漕運輓尤滯公采陶文毅海運策行之幫費倉規悉與汰去招沙蛋等船親駐上海督之僅五月運米二百萬石有奇先後全抵津門自是遂專用海運兩淮鹽法引減課絀日甚先是陶文毅於淮北改行票鹽未及淮南也道光二十八年塘角火燬鹽二十六萬七千餘引內資大折公決意通行票鹽狃習故常者皆不聽奏定新章其法以減成本裁冗費隨到隨售不限輪綱每引增給無課鹽二百



斤除驗貲折扣行之六月奏銷已酉全綱課鹽四百餘萬節省銀三十萬備部撥減輕成本四百餘萬裁楚西岸店歲省陋規百餘萬計江廣皖蘇食鹽歲減制錢二千七八百萬緡農民歡呼忭舞而怨謗自此伏矣南河歲支庫款官吏乘以侵盜修防益懈公駐東壩與河帥奏禱尤貪劣者梟誅捻匪十餘人兩壩役夫數十萬無敢譁仍倡捐卹災有 賞戴花翎之 獎員弁工料核實給領宿弊盡剷初擬堵築豐工僉稱需銀八百餘萬公但請減半甫合龍風作復潰坐是鑄四給請展限至秋乃合龍云軍事之起也公於工次奉 命督師旋省僅八日徵兵餉未集與同官部署城守即啟行率壽

泗陽州志

卷十一 藝文

神道碑銘

三

春恩鎮進扼上游屏蔽江東師次安慶聞武昌告陷麾下兵不盈四千分扼留守僅餘千人疾趨黃州檄恩鎮率所部爲前鋒遇賊廣濟之下巢湖迎擊稍利賊虜至大潰恩鎮死之部曲存者四百適向軍門遣約公會下游軍厚積以待公先過九江安慶與兩中丞議置守爲援遂報向軍門會師湓浦比至潯皖皆前期移戍矣上章自劾且陳三江重在建康請還顧根本返金陵會將軍以下謀捍禦凡守具畧備慮東西梁山乃天險或爲賊據奏往扼之率福山陳鎮往巡視太平府撤各大小口防兵益之同官不謂然以疏上 詔逮公道梗公不知也賊窺蕪湖檄陳鎮救之不及陳鎮力戰捷矣賊



分舟橫擊陳鎮戰死公自將往援又敗退保省垣城周九十六里兵勇二千餘不敷憑堞則多張旗幟激以忠義公宿城樓往來策應格鬪無休時賊穴儀鳳門入之公急策馬詣將軍都閩商調旗兵助戰皆陽諾復馳督將士至十廟遇賊厲聲大罵賊環刺之被傷九猶手刃一賊乃沒帳下卒昇公骸節署會署方伯涂公至與親殯斂瘞署東水月菴蔬圃中咸豐三年二月十日事也沒時年六十有二六月將軍怡公以殉難聞 詔復原官賜卹論者猶不已乃停卹夫以奔北淪陷爲公咎固也然賊連陷兩行省席驟盛之威毒骸方張若燎原滔天公提江左柔脆數千與角勢萬萬不敵猶出入戰

泗陽州志

卷十一 藝文

神道碑銘

三

守不遺餘力竟以身殉凜凜大節與鍾山石頭並壯昔安史稱兵以常山平原臨淮汾陽諸公當之皆嘗挫衄何獨以咎公甚者撫不根之語誣以疑似賤豎庸隸且不屑爲曾謂磊落烈丈夫如公而乃出此求疵索瘢好議論長短如是公卽破賊立效亦豈無他詞搖撼者嗟乎臣子大義爲法受惡所不得辭彼仇嫉之口何足置辨恐自是隳勞臣志士之心遂無復敢爲 國家効死宣力者嗟乎此可代爲拊膺流涕者已公孝友最篤遭太夫人贈公之憂失聲嘔血幾至於毀事伯兄仲洲公尤謹性嚴義利之辨在家無私產在官無苞苴至用財則揮霍不恡助賑助饑凡捐十三萬金置義田贍其



族親識皆加厚餽人人過其所望後進才行秀出者必與獎  
成校刊爾雅義疏儀禮正義求古錄江氏韻書三種童內方  
毛春門兩先生集行於世所著詩文遭亂皆散佚惟木樨香  
館賦初學導先集尙存刊本而已配吳夫人同邑太學生居  
森公女先公卒繼配史夫人宛平人甘肅甯夏鎮總兵署甘  
肅提督和闐辦事大臣善載公女亦先公卒繼配丁夫人楊  
州處士敬謙公女子五鍾漢吳夫人出道光甲辰 恩科舉  
人一品廕生刑部候補員外郎改官知府特詣江蘇因公行  
至江陰遇變卒鍾江史夫人出嗣公季弟聚葬公爲後廣東  
高明縣知縣歷署龍門香山卒於官鍾海候選員外郎鍾泉  
泗陽州志卷十一藝文 神道碑銘 早

泗陽州志

卷十一 藝文

神道碑銘

早

國子生鍾澤郡廩生均丁夫人出女六長適同邑鹽提舉銜  
湖南試用通判吳琦次適宛平道光甲辰 恩科舉人刑部

郎中江蘇候補道歿王事追贈光祿寺卿銜史保悠三適激  
浦前任戶部郎中舒燾四待字五六俱殤孫光祖咸豐己未

恩科舉人庚申 恩科進士刑部主事女孫二公生平願

柏心最厚竊痛公有救時偉畧致命大節晚途阨隍蒙詆特

甚禍中於顛沛失據之秋機伏於恢宏任事之始蓋坐才爲  
累也故所以著公者不敢徇意氣而皆采天下之公論銘曰

始以文藻傑直承明繼縮畫寄任鉅肩闕上利 國家下甦

閭里振制蠹弊令下流水 國儲以充民用歌舞側目纖兒



遂叢怨府公益毅然不涉姘媵排屏浮議違卹其它干將之  
鋒當機立斷救時管蕭推公爲冠蛇豕東下起公督師倉卒  
就道所將單羸戰守兩窮以死遂志褊伎交乘騰爲謗議彈  
章喋喋仰荷 寬仁 詔復故秩公論乃伸昨者改殯忠骸  
啟穴凡被九傷次骨不滅疇昔詆毀不辯益彰青蠅汗壁於  
公何傷公之本末行達 聖聰 賜卹易名 恩禮方崇鬱  
鬱松阡公其戾止仰見耿光上騎箕尾

贈朝議大夫戚公從龍墓誌銘

王柏心

公姓戚諱從龍字卧雲世居沙湖鎮曾祖佩增生祖壽庚貢  
生父世煌監生貽贈奉政大夫公昆季五人於次居第五總  
河陽州志 卷十一 藝文 碑銘墓誌銘

里

角就學穎雋不羣長通羣籍補博士弟子員歷赴秋試不獲  
遇則閉戶窮經用力於春秋最深出金數千購書日課其子  
曰吾無他物遺兒曹惟此當食其報且事親孝親在無私財  
親沒飾終營葬式禮無愆與諸兄友愛甚篤舊所嚴事者從  
兄南湖先生也執弟子禮甚恭動止皆承其訓於族黨敦尙  
親睦嘗自誦言曰儒者束身名教自立有三禱國家上也濟  
鄉里次也先世自明季曾纂家譜厥後久未廢續遂慨然與  
南湖先生增輯成帙後遭喪亂燬於火然至今宗人輩猶能  
道其世系先後數典不忘實自公啟之生平足不履公門亦  
不喜預外事惟道光壬午紅土院隄議一律增築里人推公



主其事公毅然任之而不辭畚鍤版築程督基勤役者咸奮捐費出入纖介必核隄增高三尺水至恆不敗蓋於施濟其夙志也幼時有友親病醫藥無資來告急則請於親厚贈之私贈又加厚焉友歸其父已沒竟藉是以資斂葬辛卯大潦道殣相望捐置義塋斂殍者而瘞之他所葬枯骨不可勝計人無不誦其義拯卹寒畯不吝解推遊士叩門必館餼之量其才之高下贈之或以告於親識而共助之客皆大喜過所望遇眾以和而正直不阿人有過輒責之不計其忤也宵小畏以姓名爲所知多改行者聞里中有節孝婦獨心敬之嘗率同人精加採訪並捐資請於學使王公題額表閭者凡百

泗陽州志

卷十一 藝文

墓志銘

聖

數十人一時風化丕振蓋樂成人美如是公卒於道光十五年十月十七日其生也以乾隆四十五年十二月二十五日卒後以子天保貴晉贈至朝議大夫著有春秋撮要十餘卷遭亂佚去配萬太恭人先公四年卒事舅姑孝婉舅姑疾奉膳羞積三歲不懈他賢行類此繼配蔡太恭人子二長天保道光丁未進士湖南補用知府署寶慶府知府加道銜次天佐監生孫七開萃咸豐己未舉人雲南浪穹縣知縣開蓉廣東大埔縣知縣開芹增生武昌府學訓導江西鄱陽縣知縣開藻附貢生廣東縣丞開芬福建巡檢開莊增生開蔚從九品天佐出曾孫文栩文翼文躍文翬公與萬太恭人合葬



鎮西之圓湖墩葬後二十有三年而始爲之銘銘曰躬行如萬石君清德若王彥方綜好修之內美何患乎湮鬱而不彰旣垂式穀亦被寵光是豈非敦善之符而種德之祥

福建按察使司周公墓表

咸甯人 雷以誠

士之名德流傳不朽必天資過人繼以學力識量宏遠不在人情意計之中但自勉其所未能待時而動非以希世不炫才以動人不惜才以共事究不足以顯其才盡其才者以有有合有不合得爲與不得爲耳予於鐵臣廉訪有感焉公諱揆源榜名鑣別號小溪鐵臣其字也道光乙酉登賢書丙戌成進士籤分刑部主事後予六年而長一歲心性投合訂爲

泗陽州志

卷十一 藝文

墓誌銘墓表

三

蘭奕子得缺在先公丁外艱旋里主講荆南書院甲午服闋入都供職庚子隨同黃樹齋少司寇博綠庵大理赴天津查辦事件十月復隨諸公馳驛山陝辦事畢回京審明媳謀殺姑重案平反得實奉 旨優獎甲辰四月丁內艱丙午起服到部戊申五月隨同福元修侍郎駱雲門學士馳赴河南查辦事件畢仍回刑部己酉六月京察一等記名尋奉 旨補授福建泉州府遺缺知府庚戌署建甯府咸豐辛亥補授邵武府嚴禁溺女風倡捐廉俸設育嬰堂並倡捐寶興膏火及公車費旋又以屠牛風熾半係盜自農家歲輸武營千緡民不敢控乃商同廳縣合捐銀三百兩爲緝捕之費其風漸息



卸篆後邵民建立生祠王子科調內簾監試甲寅任延建  
邵道駐延平府是時閩東軍務肇興公籌辦團練防堵夙夜  
勞瘁郡城始獲安謐卸任後建祠亦如邵武丁巳八月奉委  
督辦漳州府平和縣梨林社土匪此地爲浙閩通商要道頻  
勦未靖公至曉以大義申明利害許其自新悉皆感化僅計  
擒渠魁數名就戮餘皆省釋歸農兵不血刃凱徹還省鄰境  
士庶送萬民繖者不憚千里而來大府謹奏准以軍功加一  
級戊午髮逆竄閩北奉委督辦克復政和松溪縣城逆賊遠  
遁奉 旨賞戴花翎後復回邵武府任是時餘氛未靖城舍  
殘破人民離散聞公夜任各屬子弟眷屬來歸公竭力再辦

泗陽州志

卷十一

藝文

墓表

四

團防賑撫兼濟民庶賴以安定威令深嚴戰守可恃賊乃退  
出江右公更於閩豫交界處相度地勢創立杉關及雲磔火  
燒猴頭等關一面招徠賑撫修復一切舊政逆賊不敢窺伺  
此所謂強固其內卽所以捍禦其外也同治壬戌陞授督糧  
道旋以廈門兵備道權臬司時有富人冒捐府職爲大府所  
覺面囑密查富人以數萬金私賄公陽卻之而終曲全之不  
忍置之重罪嗣因事與當道不合又以年將大耋澹於宦途  
遂於乙丑告歸田里焉夫以公之天資學力志期遠大充其  
識量奚難獨樹一幟建立奇勳且由進士官隸雲司讀書讀  
律益增政術固不必因人成事藉勞役以擅長觀其握銅符



衣豸服潔已奉公蠲廉剔弊懲奸暴而興賢能政績已煥然  
一新至於勸化積年聚眾朋劫兇頑殲厥渠魁盡散餘黨復  
爲善良行旅賴以無滯感格及於鄰封熄殘殺省餉糧比之  
戰勝疆場凱唱饒歌堪膺懋賞爲何如也復計立重關內作  
士氣而外不露微瑕卒使髮逆潛踪此尤嫺將帥殊勳蓋小  
用則小效大用則大效在得爲而爲耳然人生遇合實有定  
數公隸雲司兩遭大故奔馳躑躅歲月蹉跎及權臬篆年逾  
七十矣所如既有不合見機而作不俟終日固其宜也世稱  
李廣功高封侯獨蹇陳平六出奇計以救漢高自知侯爵不  
能再世人乎天乎可知而不可知矣士君子出身加民但求

沔陽州志

卷十一藝文

墓表

畧

無愧我心至富貴功名升沈毀譽視等浮雲何足介懷哉公  
自乙丑解綬歸沔謝絕酬應而於本州人士不憚誘掖獎勸  
又周卹戚友貧乏建祠收族靡不捐資伙助眾情歡慰同治  
甲戌六月二十七日子時以疾終於家享壽八十 誥授通  
議大夫卜地於城西三里祖塋光緒乙亥十二月初三日安  
厝公原配華淑人歿葬東北三里祖塋繼配李淑人歿葬城  
西三里祖塋公子應漣乞予撰文予雖不敏義所難辭謹敘  
公志事付其勒碑紀實墓前永垂不朽其他文藝才技無關  
於國家重大者譜牒自能詳記茲可畧而不載云

陸羽自傳



陸子名羽字鴻漸不知何許人有仲宣孟陽之貌陋相如子雲之口吃而爲人才辨篤信褊誤多自用意朋友規諫豁然不惑凡與人宴處意有所適不言而去人或疑之謂生爲瞋及與人爲信雖冰雪千里虎狼當道而不訾也上元初結廬於茗溪之濱閉關對書不雜非類名僧高士談讌永日嘗扁舟往山寺隨身惟紗巾藤鞋短褐犢鼻往往獨行野中誦佛經吟古詩杖擊林木手弄流水夷猶裴徊自曙達暮至日黑輿盡號泣而歸故楚人相謂陸子蓋今之接輿也始三歲惇露育乎竟陵大師積公之禪院九歲學屬文積公示以佛書出世之業予答曰終鮮兄弟無復後嗣染衣削髮號爲釋氏

沔陽州志

卷十一 藝文

傳

異

使儒者聞之得稱爲孝乎自將校孔氏之文可乎公曰善哉子爲孝殊不知西方之道其名大矣公執釋典不屈予執儒典不屈公因矯憐撫愛歷試賤務掃寺地澌僧廁踐泥汗牆負瓦施屋牧牛一百二十蹄竟陵西湖無紙學書以竹畫牛背爲字他日問字於學者得張衡南都賦不識其字但於牧所做青衿小兒危坐展卷口動而已公知之恐漸漬外典去道日曠又束於寺中令其芟翦榛莽以門人之伯主焉或時心記文字槽馬若有所遺灰心木立過日不作主者以爲慵惰鞭之因歎歲月往矣恐不知其書嗚咽不自勝主者以爲蓄怒又鞭其背折其楚乃釋因倦所役舍主者而去卷衣詣



伶黨著謔談三篇以身爲伶正弄木人假吏藏珠之戲公追之曰念爾道喪惜哉吾本師有言我弟子十二時申許一時外學令降伏外道也以我門人眾多今從爾所欲可捐樂工書天寶中郢人醮於滄浪道邑吏召予爲伶正之師時河南尹李公齊物出守見異捉手拊背親授詩集於是漢沔之俗亦異焉後負書火門山鄒夫子墅屬禮部郎中崔公國輔出守竟陵因與之游處凡三年贈白驢烏犛一頭文槐書函一枚云白驢烏犛襄陽太守李愷見遺文槐函故盧黃門侍郎所與此物皆己之所惜也宜野人乘蓄故特以相贈洎至德初秦人過江予亦過江與吳興釋皎然爲緇素忘年之交少沔陽州志

卷十一 藝文

傳

罷

好屬文多所諷誦見人爲善若己有之見人不善若己羞之苦言逆耳無所迴避由是俗人多之自祿山亂中原爲四悲詩劉展窺江淮作天之未明賦皆見感激當時行哭涕泗著君臣契三卷源解三十卷江表四姓譜八卷南北人物志十卷吳興歷官記三卷湖州刺史記一卷茶經三卷占夢上中下三卷並貯於褐布囊上元辛丑歲子陽秋二十有九日

童士疇先生傳

陳文燭

童承敘字士疇旭之子也別號內方生有異質過目成誦失母最早繼母張恭人嚴能善事之賦行路難太守公見曰兒能爲古文辭乎大梁才子李公濂守沔遇以國士自是下帷



徧讀古書正德己卯甬川張公奇之舉鄉試第二庚辰進士  
改翰林院庶吉士與茶陵蒲圻號楚三才而公尤俊逸不羣  
時楊文忠公廷和楊文襄公一清最雅重公後永嘉拜相援  
引新進附之如蟻而公閉戶守元澹如也壬辰補國子司業  
與關中呂公柎倡明正學環橋門而觀聽者以萬計乙未分  
校會試庚子主試北畿所取多名士壬寅上疏省封樹肅皇  
帝俞允命馳驛以歸蓋異數云歸與親知徜徉煙水無何病  
卒肅皇帝聞而憐之遣官諭祭夫公周旋詞林幾三十年任  
經筵講立政諸篇惓惓於用正人端本聲如洪鐘肅皇帝  
喜甚賜飛魚服中貴人走問蓋大拜之兆也獨以不能依附

泗陽州志

卷十一 藝文傳

吳

時宰甘心不調而奉使唐藩唐王厚幣請文一物不受其節  
概如此所著詩文口授使者多不存稿大都出入漢魏六朝  
成一家言字畫秀媚類趙文敏人人寶之有內方集行於世  
未刻諸草藏於家

論曰太守公本名家而太史公善讀父書廖學士作楚記稱  
其有良史之才乃郡乘遷固之遺矣先中議公每言孝友恬  
退樂善忘勢魯文恪公之後一人而已功用未起卽文章不  
盡傳何哉語曰造化忌名若太史公名恐造化莫奪矣

僧雪裘傳

江西人 賀翼孫

僧雪裘不知何方人亦不自言姓名國變後所過題壁稱雪



裘子遂呼之爲雪裘雪裘不誦經不持戒瓢笠蕭然獨行踽  
踽於江楚閩粵間遇故人贈以百金令其任山倩行者荷負  
相隨行者竊負而逃絮衣葛裘冬夏互用而意氣豪上恢諧  
笑傲旁若無人有贈以錢布者盡以沽酒飲必極醉醉必大  
罵罵已必撫胸痛哭所寓多在村寺與近寺儒生樽酒談文  
終夕不倦及拂其枕席則皆淚痕也好爲七言律詩搜奇抉  
奧喜用險言僻事見者驚爲剽獲而雪裘全不經意醉後走  
筆頃刻數十首有如宿構所遊之地詩必盈囊臨去捲爲大  
束以付酒家曰與爾覆甕有持其覆甕詩示余者余誦之終  
卷不知其所感何事所指何人但見其悲酸沈痛如猩啼如

泗陽州志

卷十一 藝文

傳

兕

猿號如怒濤崩石如淒風慘雨知爲英雄失路捨地呼天無  
可奈何之辭也嗚呼噫嘻天耶人耶胡爲使彼至於此耶乙  
巳秋八月余買舟將下西昌解纜之夕雪裘來訪出袖中古  
體一篇端視一方贈余談笑甫洽惆悵遽別遂至雲陽訪劉  
安于於舊宦某中丞家值其娶飲安于挽之共醉巨觥屢進  
竟不與主人交一言而把安于臂語不可休酒罷忽指堂上  
所懸壽軸熟視主人曰誰構此文妄以忠孝許君耶君亦儼  
然妄受顏何厚也主人以安于故忍怒佯笑曰長老醉矣遂  
辭去入益陽抵郭天門先生家先生一見卽抱頸共哭促膝  
細語語罷相持又哭留連三月贈以金令遊衡嶽下武當自



是江楚間無復雪裘杖履矣郭氏子弟問郭先生雪裘何人先生默不應再問強答曰雲間陳卧子其故人也復問其州里姓名先生又默不應吳人戴翁客永新自言識雪裘揚州興化人姓李名仕魁崇禎壬午舉人累世通顯魯王監國時受翰林院官余未之信乃托新安友人滕公刻詢郭先生先生督江右學時余蒙前拔而公刻則先生門客也及見先生猝然問曰前日興化李翰林今安往耶先生亦默不應自是竟莫有知雪裘者賀子曰余嘗聞國初雪菴和尚事以爲奇矣豈意三百年後復有奇人如雪裘者哉抑更有奇者余友劉巨溟國變後出亡十年有見其披緇衣在曹溪者把其袖

沔陽州志

卷十一 藝文

傳

辛

三呼白眼瞠視不答而吉水劉裴公言其鄉有縣吏賈公文入廣東寓於古刹見一僧挑盞飯歸寺憊甚解衣揮汗憇坐石上其貌絕肖吉水舊令沈公石臣史駭試叩首通慙懃僧袒避入內良久不出則已腰包潛遁急追不及矣沈石臣公諱中桂浙人崇禎庚辰進士作吉水縣令廉能爲吉郡之冠國變三十年矣道阻且長不知其出處何狀未敢傳疑然此盞飯僧則高人一等矣嗚呼彼何人者哉

高士任先生傳

陳文燭

先生諱鳳岐字應文別號時菴學者稱時菴先生上世蓋豐城人先代徙南京匠籍徙居黃蓬山則高皇帝時也先生少



有奇質過目成誦王父習尙書貢爲新昌主簿先生以尙書授徒里中從遊者眾品藻最精先通奉公在童子大奇曰此屈宋才也以女妻焉卽余母誥贈太夫人者也同時胡生彥先生亦奇之後爲名御史先生在諸生中有文名學使江西姚公文灝台州蔡公潮列爲上等蔡公見先生長身玉立高視大步議論懸河方病足命曳隻履進雅重若此先生性最嚴每踽踽行視多仰而後進者畏之拱立有吏目李諫京師人性最悍與博士爭席大梁李公濂守沔諸生咄咄爭未已先生曰校官者賓師之位可同屬官邪李公心服之吏目媿而走其席至今定先生家壁四立意澹如也平生恥於干人

沔陽州志

卷十一 藝文

傳

至

絕無委瑣態善詩賦多開元以後語里醫胡子恂以楊支藥肆倏爾有由藁索先生題口占曰笑看生意滿行窩頗木於今也發柯屈指許多名世者先生應不讓華陀先太夫人在時能誦百首恨少時未筆錄也先生死年四十耳墓在江北青石院先生樂生類榮啟期治經類申屠蟠皆古來高士故先通奉公表其墓曰明高士時菴任先生 陳子曰余登黃蓬詢先生故居及封樹山中人道其名並二劉近讀張文定公集言邦奇視楚學過沔陽講書至子適衛章問教養孰重諸生默默有任生進曰自古皆有死民無信不立稷播穀造周契敷教興商然賢聖之君六七作至周衰而孔子以苗裔



師萬世天之報契者厚矣故教尤重云張公賞之筆於書余因述之俟續高士傳者采焉

葉瓊林傳

張錫穀

嘉慶十三年沔人士郵書黔中具言闔州公葺孔子廟而南方貢生葉君會瑤獨以創修文昌宮魁星樓爲任已共列名呈報矣余聞而偉之每語黔士曰今聖天子頒諭各直省郡邑崇祀文昌諸君子中卽有素封可號千戶侯者能如我葉氏之爲乎皆慙服莫對次年歸里則見木石之車載舟運自新隄麋至者歲無虛日葉君不遠百數十里僑居州城躬親鳩庀越四載告成州大夫如皋吳公康其用錙不下萬數

沔陽州志

卷十一 藝文

傳

五

千緡以誼美興文額獎且將臚實上聞君固辭不受余益偉之樂與晤言問其字曰天池號則瓊林恂恂然君子也以問諸葉王胡三洲來遊之士僉言其祖儒林郎曰麒麟考曰祥英本生考州佐曰祥履皆有隱德瓊林生三歲而孤鞠於其嫡母陳氏生母汪氏與嗣母廖氏甫成童卽懋學行治家政爲嗣母請旌建節孝坊比壯又急公好義而不近名如此余乃知其爲人之詳加愛焉逾四歲有沔之老成十數人造吾廬而論曰惜哉葉瓊林於今夏五卽世矣彼自建修樓閣以後益行善事如施義塚備棺木之類不可勝述乃年僅四十而遽沒可不爲之悲耶吾子素恥諛墓而樂道人善旣



深重瓊林之行盍爲立傳以俟他日修志乘者採焉於是余  
穆然罄思綜其行實而紀以質言眾皆首肯袖其稿而去聞  
葉氏族最繁儒林卽之裔則一綫單延至瓊林而有子三人  
孫一人長子文煥爲州庠生次文蔚文熙雖幼皆有父風茲  
非篤行仁義之驗歟文煥以弱冠稱家督其在苦塊之中卽  
思修支譜竟厥考志亦詩所云不匱者歟

沔陽州志

卷十一 藝文

傳

五